

夢山楊公存家詩稿序



觀光昔與河朔魏允中同
為郎允中善稱詩教擊節
誦公晉中詩如燈前梳白
髮馬上夢青山思沈而致
遠非唐人不能道觀光心



識之公不以詩自命無從
得睹火金然觀光待臯子
部久雖未得悉公詩願數
聞公之教矣公之言曰余
宗海上蓋有桃花嶺之丹
葩紫萼照映於烟窓雲島
此何必臧度索之山武陵
之溪哉而余念之不得歸
余聞此於公嘆爲公清真
雅素自其天性教晉要路
津數抗疏乞歸而御太夫
人板輿累

詔強起之田間無歲不引疾
無念不在丹山碧水非歛
語也即公之出處以窺公
詩其心高曠玄遠冲夷澹
泊契妙理於寰中詭說詞
於物外不待盡讀其樂而
後知已公今年八十有六
自歸嶺上十有三年世望
以為蓬萊三神山中人而
公所吟詠亦若真語雲林
與琅瑯鳳笙相應寧得
以詩人目之雖然即後之

揚權千古論著一家又安
能舍公詩矣古今稱詩以
雅澹超曠名其家則無若
陶元亮余試取公集相提
而論元亮不嗜榮利環堵
蕭然簞瓢屨空而公致宰
衡改茅屋土垣蔬食布被
不殊寒暖所居半間樓一
榻亭凌虛徑度備然自遠
元亮不就州祭酒躬耕自
給有勸農諸詩而公屢出
屨歸荷鋤秉耒若真缺糶

儂沮溺給耦殆實際語元
亮所寄致無絃琴所友善
廬山惠遠葛巾藍輿獨深
酒德而公行以一僧一鶴
自隨雖不同名飲而屢託
興詩飲官曰不以種株然
亦有天黍詩故評元亮之
人者曰和而實峻博而不
繁公之品以之評元亮之
詩者曰質而實綺癯而實
腴公之詩以之魏生而在
所擊節誦獨二語哉然元

亮生不逢辰所脫履僅一
彭澤令與著作即柳塞不
盡用而以冲淡瀟洒之致
忘其隱約冕結之思即境
而成詣也易公雖屢予告
而位躋師保祿位名德子
孫壽考無不冠冕人代而
能於經綸康濟之餘不失
其冲淡瀟洒之致離境而
成詣也難至於忠孝仁愛
其言藹如老而彌至其致
託方以外也而倫常最爲

於方以內造物所以福澤
公視元亮亦遠矣公之弟
民部君刻公詩於維揚公
以書見屬子為我加詮次
焉而以山林語弁其端不
佞少賤何能定公詩然後
公二年而歸歸且十年善
言山林之致者且未之或
先也雲夢後學鄒觀光謹
序

萬曆壬寅冬十月十有一日



夢山存家詩稿卷之

五言古

述征二首

嘉靖丁巳外補晉臬

嗟余丘壑姿，過世良非宜。始作毘陵宰，既登赤
玉墀。兩官無寸補，竊祿負明時。還家田已廢，覽
鏡鬢多絲。復畏簡書去，遠於關塞期。骨肉重分
手，離憂當告誰。

朝發滄海湄，暮走西河道。秋風吹河水，野闊聲
浩浩。客心亦如此，旅飯豈能飽。頻瞻太行雲，復



吊燕臺草世事多艱辛顏鬢忽以老悠悠行路
人誰知此懷抱

彈琴峽

瑤琴何處聞停車空緬想谷靜水聲幽霜餘山
氣朗無聲心亦閒况復聞清響大道晦有時靈
物豈易賞徘徊坐盤石高歌動林莽

送王同年中丞

遊霸州人自延綏歸

兄也景略流平生更慷慨世事一到手此身即
不愛開府向沙磧咫尺是賊壘籌策走風電河
山有別態西人膽正寒印綬倏然解吾輩去留
間豈無天意在今年平衰甚亦欲浮於海他日
修短禮從兄乞沆瀣

送漳渠楊公分守雲中

悵望雲中城猶隔桑乾水遠道令人愁况近單
于壘單于何猖狂侵掠日未已蒼茫應與朔滿
眼生荆杞天子屢宵旰吾徒寧不耻楊公慷
慨人憤時恒拊髀談兵樽俎間往往得神理茲
行詎徒然王庭應遠徙分手勿躊躇丈夫志萬

里

讀友問集 何遷著

獨把一編坐門前
雙鳥喧春風來幾日
草木倏以蕃
因茲悟至理兀兀欲忘言

旅中偶讀元次山西陽城之詩
追憶舊遊擬作四首

海

仲尼欲浮海而我居海邊
海中有大魚岬上有薄田
種田須荷鋤捕魚還刺船
農夫與漁父相

見復相憐

楞嚴寺

此寺置何年
大唐貞觀歲
中歲白石碣上刻前賢
字地居古河邊
門臨野無際
憶我讀書時
寒榻同僧睡

馬谷山

馬谷近愚谷
所以人跡稀
昔名烏鴉山
不見烏鴉飛
惟有紫蕨菜
其苗高且肥
洞口封白雲
專待主人歸

三里村

去城三里遙亦無客來往本是老農家荷鋤非
勉強既喜兒童愚又見桑麻長早晚酒一壺自
歌還自賞

苦寒行沁州山中作

凌晨陟龜嶺詰曲怯躋攀撫時歲聿暮積雪蔽
崇巒寒生危壑裡雀啼枯木間綿衣猶恨薄僕
從衣俱單路傍有民舍柴門掩空山壯者散四
方老者臥草菅海宇多變故徵求日未闕營構
一何急胡塵滿漢關壑深水不流我淚獨潺湲
憑誰叫閭闔早使陽春還

同沈生京李生舒華宿清涼菴

我從炎海來乃至清涼境陰壑草樹寒絕頂天
風勁幽懷自茲開老眼亦一騁白雲生洞口遠
與諸村映曠扎天地間此道誰略領休文耽苦
吟李生習禪定相對寂無言意與山俱靜夜深
清磬發塵夢倏然醒

題松谿書屋四首

不家詩和
卷一
達人屏塵垢日日向林麓偃仰岩壑間置書翻
不讀以道獵萬化機運洞伸縮默然坐磐石一
鳥鳴高木

浮化萬山裏山色何青青更於最深處乃結一
茅亭谿徑饒芳草早晚飯仙苓澹泊有如此曰
惟養性靈

谿聲與松聲早夢寒驚破蘿徑露初晞步向西
齋坐雲生樹忽暝泉響山疑墮吟成二雅詩歌
罷無人和

汲水自漱齒隱几讀陰符既以窺元化又欲定
八區大道無言象至樂在江湖時運苟不至且
覽崑崙圖

訓董信溪雪餘枉顧

山園何寥寥雪餘枉高步自愧非戴家乃勞子
猷顧呼酒暢幽懷烹茶有隱趣徙倚暘烟巒瑞
華綴林樹微微霽景流天壤色俱素深擁初祖
門清憶謝庭句苟非佳客來茲意成淪誤言別
日將夕悵望城南路

將赴上谷留別紀山二首

曹沐江陵人

我為東齊人君為南楚客相逢晉水陽結交見
肝膈絲竹列廣庭嬾婉屈良久自謂長如此詎
知有行役行役在塞門念茲傷魂魄
戀戀不能別乃至曠野中銜杯各惆悵日暮生
悲風悲風捲蓬草一西還一東塵世多變態後
會安可同携手望雲衢愧彼雙飛鴻

春日述懷

曉齋春雨歇一鳥當窻鳴山雲入我座不知在
邊城夙心本閒曠偶無塵事縈手把楞伽讀忽
已忘吾生軒冕是何物可以嬰其情君子貴得
道誰能顧浮名

觀呂山人海市圖

箇中何所有惟有海市圖我知山人心長與變
化俱天地蟠胸臆樓臺修有無豈為蛟蜃宅本
是神仙區秦皇亦英主東坡乃巨儒空勞平生
心不得到蓬壺昨日安期生訪我跨雙鳧自言
阜鄉亭密通帝君都又言塵世幻滄海有時枯

袖裏出仙籍獨見爾與吾去去凌飛虹手中握
玉樞誰云阻弱水若過東家壚堪悲軒冕客終
日在泥塗

述懷四首

自幼習耕釣足跡不離村長覽農桑書亦窺道
德言秬以家貧故始驅南北轅駕馬多顛躓末
路怯騰鶩去就不自決其如負國恩上書解簪
組吾將返故園

鯤鵬翔萬里鷓鴣在一枝大小各有適進退豈
無時胡為狗利祿營營至死悲榮公行帶索陶
氏恒苦饑至性苟無累貧賤復何辭歸去臥山
中斯人良可師

澤蘭沿野徑鷓鴣鳴高柯感茲悲時叙倏如流
電過余年方半百鬢髮漸以儲去日不能再來
日寧幾多我欲尋瑤草蕪之種玉禾若待功成
退誰揮魯陽戈

管寧東浮海范曄西入秦貴賤雖異致千載同
一塵憶其在世時不如隱者珍因之慕萊子歸

侍白頭親所貴在養志寧論得與茵長揖謝浮
世冥鴻不可馴

沽酒與呂山人話舊

前年鄰鄭城與君始相遇慷慨夜深言所期在
遠慕聞君返故鄉干戈滿道路我亦抱沉痾命
危若朝露還家無舊業生事同流寓薄田徧蒿
萊殘書亦蟲蛀日夕臥空園懷人望雲樹豈知
寥落所君自遠方顧相別幾歲時相看忽若寤
囊中無黃金髮邊色已素既以感朋好兼之悲

世務滄流不可回蟬鳴日將暮對酒且沉酣萬
事有天數

初至鴈門謁閔中丞 照任丘人

余本魯諸生未習戎馬事前年釋短褐萬里向
邊地秋風起鴈門羽書日三至中丞燕趙豪臨
敵有暇思幕中集群畫轅門列虎士亦欲效區
區坐使疆場治但求干戈戢勲名非所志
上元讌集以病不赴東荆人喻明府燕人

于李二廣文

微風韻春夕圓月吐城闈式讌借流俗旨酒娛
嘉賓火樹明還艷綠竹間且陳燕趙多英客荆
郢盡詞人雄談驚四座擊節洽芳辰顧予寂寞
士獨與藥爐親今宵有高詠貽來慰病身

題媿非馬公巢雲亭

有序

結亭樹杪古今所稀欣然賦詩以明向往
因及小洞非曰闔奇

先生好事者徃徃弄竒怪所乘竹木車首尾作
船態前年造行窩看花隨處載世人無不笑連

人無不愛忽於柳樹上為亭圍似蓋四圍無軒
窻雲烟互而靄亭中何所有酒杯長日在亭中
何所為吟詩學馬戴亭中何所見北溟與東岱
亭中何所親山僧與荷簣祇欲遠塵寰不為增
氣緊我也作一洞狂放亦其最兩孔亘如環中
間頗不隘揭來陳道人品題是仙畧冥心坐終
夕動靜俱無礙百年湖海意領略須吾輩秋風
吹十里初涼體則快或飲君亭上或酌我洞內
醅酌無不可誰能求富貴茲樂難具言更以心

相會

田居東李明府

自余解兵符為農向桃嶺病餘猶荷鋤灌園初
鑿井所賴明府賢蝗飛不入境木棉徧平岡瓜
蔓交野徑朝炊烟氣合日落山村靜時携妻子
來矚此田中景雜芳娛幽抱寒虫滿清聽往年
亦此土人與歲俱梗感恩詎有涯撫事寧無省
是時已秋歛場圃家家整烹雞若羅珍為黍當
噉餅聞君欲枉駕老稚皆延頸

醉中放歌

同呂山人作

茫茫天壤內狂放有吾徒布袍不值錢嘗酒靈
幾壺晴空起雷雨把杯相叫呼烟雲滿郊甸龍
蛇能辨無世態亦如此富貴豈良圖管仲尚小
器公孫非丈夫惟有劉伯倫酒德耀寰區

春日訊喻明府病

君有醫人術春來亦抱疴良以憂郵故不為簿
書多吾鄉沐休澤節候入陽和谷風吹廣野晴
日動寒柯臥理自高才心賞其如何意况本閒

適端不廢弦歌我病偶相似芳歲俱嗟蛇寥寥
仲蔚宅華軒幾時過

初春臥病答喻明府韻

玄英歲云謝纏綿仍負痾百齡今已半日月諒
無多心含萬古愁豈不滑其和春來散情性徒
倚盼庭柯賢愚會有極孰如冥運何開門得瓊
藻慷慨一悲歌道喪昔已然不必問嗟蛇祗當
飲美酒莫使歲華過

環縣別計部蕭郎中 大亭泰安州人

君來自慶陽我先宿靈武前路入沙磧况為風
雨阻館舍對層臺蒼茫閱今古愁雲黯蕭關江
聲帶鼙鼓憶昔白衣士談笑挾疆土君住泰山
下日夕吟梁甫踟躕者何為王事方靡盬逢時
樹勛名桑劉口不數我髮已不騷逝將尋巢父
山城無酒家別惊覺其苦

醒後聞磬聲

冷然響清磬我思良悠悠披衣一起坐明月懸
高樓遙遙日天宇空闊萬象收此時無人言獨

與太虛遊河清不可俟天運倏已周冥心入無
極真想在浮丘人生亦晝夜身外更何求

還鄉

去鄉十五載今方返敝廬日暮望城郭慘淡心
何如存歿悲親友蕭條歎里閭舊日同遊人携
觴數過予既慰干戈苦再驚髮髮疎流年何超
忽世事咲空虛余豈真隱者迂拙宜郊居是時
春辛暮柳色拂長渠自顧疾病身猶能荷犂鋤
畫耘桑麻田夜讀蒙莊書

喜呂二山人中父見訪

客自越中来澹江訪逸叟念別條經年新詩得
幾首嗟君衣上塵笑我門前柳世事多翻覆各
掩談天口留君且莫行牀頭有黍酒

甬東篇

有序

● 呂二山人四明高士也舊號東野余以犯
● 古人又氣韻瀟灑不類孟忽憶古詩云四
● 明有狂客風流賀季真四明乃甬東郡也
● 遂更號甬東并贈小詩

四明羨山水我聞已多年八十二峰雲日夕帶
甬川中有李真宅松竹凌蒼烟高風與勝跡萬
古光林泉明時有呂子逸氣何飄然雖在甬東
住未買甬東田竭來遊海內聲詩盛流傳山中
與野服見者稱賀僊將欲尋瑤草孤踪寄八埏
時人或未識觀我甬東篇

和王憲副西石宿左衛見懷

之誥楚人

寒夜客何如更堪喧鼓角亂山殘雪裏能無動
離索羊河不隔夢飛去共君酌兩地結孤悰燈

花向人落

鴈門述懷訓徐王楊三君子

曠

基

綵

黯黯高闕雲惻惻鴈門樹我來夏方初不知秋
已暮時序固其然髮毛愁則素勲名愧流輦鄉
山夢裡去孤抱竟誰陳援毫述短句

邊塵秋不起公餘即閉關所慕在沉靜日夕對
南山長空寒鳥沒遠岫孤雲還世途老難行因
思江海間匪君有道氣何由展心顏
滄海不西流日馭無東軌如何百年間愁與病

相積我有萬古心傾倒向三益徐孺高士流王
猷尚標格揚雲作詞賦雅調宣金石
秋風吹紫塞木葉不佞聞慷慨空如此多愧武
安君平生素微尚歸夢一何勤手弄玄池水足
躡靈嶽雲終當謝明時我言豈徒云

乾陵

毒霧生陰壑悲風吹曠野殘燒無人收山高土
色精當時信太者麗遺趾尚豁開蔓草纏翁仲積
沙沒石馬突兀七層碑字蝕詎堪打栢盡根亦
無泉涸水不瀉彼葉敢肆害始悟漆銅假文景
築平原過客拜陵下

李生寒士也有一牛代耕今斃矣詩以慰
之

善賈不藝桑巧宦不謀生念爾蓬蒿士終歲勤
躬耕得牛若良僕反視書劍輕不忍服車輓詎
肯供犧牲春日起農事物命一夕傾問喘屬何
人扣角罷歌聲已荒長阻地還傷田子情存歿
歸冥數物我由来平何如捨此去慷慨立功名

聖賢不務稼獨能享大烹

示祈雨官吏

官吏閔民旱祈禱意頗敦六月仍不雨四野淨
如髡呼前告官吏恐未究其源自從前歲澇秋
禾無一根正賦不能入蕪之工役繁政令如水
火徵求到雞豚今日賣其子明日復鬻孫子孫
已賣盡里胥還扣門守令猶不知况能達 至
尊人道良多舛天心豈少恩所貴修政事及時
救元元愛人與節用魯叟非空言

呂憲長慮念七寶丹云服之黑髮延年惟
與豆乳不宜余幼寒素獨與此味相善每
呼為淡友戲作別淡友詩 時中清豐人

歲晏起秋風群芳倏凋悴感此嗟余生反為形
所累偶傳紫汞方服食仙可至鍾鼎誤時人吾
將從此逝獨有貧賤交如何一旦棄

漫翁詩 有序

萬曆丙申季冬十日夜予夢兩吏持文書
招予至一大府府門尚未開予索文書觀

之乃漫文非予姓名因辭回醒來思之漫者有曠遠之義又有悠緩之義於予姓為近文則非其所長或漫然為之而未能成名於世耶古人有以漫自嘲者予非其倫今年八十更號漫翁作漫翁詩

予美稱漫郎次山號漫叟兩公皆偉人斯名傳不朽予本疎闊士且與病為偶性惟率其真名不居其右雖嘗為文章不習韓與柳詩韻尚未諧况能辯好醜亦嘗涉世故世故良難剖執事

與掄材舛錯恒八九自信惟此心得失兩無有所幸遂歸來惟與鹿豕友耕也不知獲漁也不用笥富貴若浮雲詩書成敝帚于今年八十萬事空回首茫茫視天地未知誰長久仍欲惜豹文仍欲競雞口縱得千載名何如一杯酒歲月自盈虛吾生無譽咎從此稱漫翁可並古人否

死別離 有引

晉唐人有悼亡詩傳之後世尚不能讀予為死別離詩二首非敢比擬前哲亦惟宣

洩幽懷云耳

生別在遠道思之令人老白髮倘相逢猶足慰
懷抱死別向泉臺墓門何日開豈無眼前人思
君痛難裁

生別如秋雁春日或相見相見既有時腸亦不
能斷死別臥荒郊東逝水滔滔思君如逝水寤
寐心為勞

長山王同年學博過訪因談醴泉寺贈以
小詩

君家長白山中有醴泉寺耋老不能遊笑我緣
何事君今訪我來更復談清致一泉生峰頂亂
流到平地范公讀書堂四時有蒼翠豈惟山水
佳其人亦相似名高齊魯間羨君從早歲同榜
稱白眉詞林為赤幟地靈人亦傑相傳豈無謂
禮闈又抱屈復羅催租吏橫經向何所人文觀
盛世崇卑不足論所貴有胸次酌君一杯酒相
看各意氣白雲逐君來使我生遐思

長干行二首效齊梁體

妾住清谿口門臨江上柳柳花飛似雪惆悵與
郎別

記得初相遇門前花滿樹只今已落花郎去宿
誰家



夢山存家詩稿卷之二

五言律

行板橋山中時赴晉泉

山色橋西處清幽與世分
霜崖出野館苔徑入松雲
巒氣晴還濕水聲斷復聞
隱居惟此好詎敢負明君

八月初八日飲劉叅戎對月亭

亭靜月娟娟清光此處偏
關山元有曲河漢正初弦
影動金樽裏寒生寶劍邊
不因烽火少安

得醉華筵

宿太安驛

屬太原

長路客心倦懸崖暮景斜
壑深雲並黑 夜久月初華
短燭啼山鬼 高風動塞笳
王城知漸近 猶自夢烟霞

盤陀晚行次韻二首

歲晚猶行役 山程帶雪高
客愁雙鬢改 國計此心勞
暗礪冰衝斷 危峰天植牢
今宵應不寐 霜月滿亭臯

雪後風蕪起 山空路轉寒
豈堪多病體 猶未歇征鞍
下驛燈來少 盤河夕渡難
海鄉茅屋在高臥 羨袁安

過鷓子峪

在北樓口

千里松間路 松聲雜鳥聲
山雲多變態 野水自縱橫
古木題詩坐 懸崖下馬行
可憐幽絕處 只是近邊城

武鄉

以催科至

萬壑斜陽裏 寥寥一縣樓
所經多亂石 幾處是

平疇甲嶺雪長在漳河凍不流民生困已極那
忍更徵求

松林寺留別諸公和衛源方伯韻

窈窕山邊寺青青松樹林豈堪虛寂所翻動別
離心日暮晉城遠雲愁燕塞深前途知己少袖
裏有高吟衛源孟淮汴梁人有詩名

秋日寓塞上逢老母壽辰

悵望空垂淚淹留豈為官君親情獨苦去住意
俱難野澗山雲暮風高塞草寒幾時拜家慶菜

彩一承歡

北樓口留別許叅戎

擾擾烟塵際離觴對晚暉悲風嘶去馬落葉上
征衣野燒臨河斷寒沙帶雪飛願君思滅虜慷慨
振軍威

役役

役役憐終日驅車西復東客心生塞草世事入
秋風意向簿書倦愁因疾病空祇應滄海上高
坐學漁翁

王義鎮用麥飯

我過王義鎮白日掩柴荆
颯颯風沙起淒淒鳥雀鳴
館人供麥飯黯色似蒸羹
正此憂民瘼一餐無限情

送黎樂溪憲副轉甘肅太僕二首

白嶺千山外黃河萬國西
塞雲秋渺渺沙草日淒淒
逐地難離別邊城尚鼓鼙
張王名未泯駟政定思齊

帷幄運籌者翻令在牧芻
憂時雙鬢短去路一琴孤
已振蘭臺紀應蕃沙苑駒
誰云閑散地天子欲平胡

栢溪書屋二首

多才漢司馬高調謝臨川
業在青山裏人來滄海邊
論文驚琥珀把酒向雲烟
未遂卜居志空歌伐木篇

入夏門長閉為園道不踈
聞將流水引夢與古人居
野鶴窺丸藥山精聽讀書
尋詩自來徃風起柳塘初

忻州雨夜

世慮已難遣况當旅館秋寒城夜半雨故國夢
中樓河漢幾時曙蛩螢增客愁雁門明日路鼓
角入邊州

石州陷後作四首

人與家齊壞城空真若屠百年無此變萬命亦
何辜天為冤魂黯地將肝腦塗夜深聞鬼哭不
獨恨匈奴

石州古名郡一日化為灰虜騎豈飛到城門不
戰開腐儒終誤國盛世自多才好用廉頗輩空
談何補紓

世事料如此吾民禍早嬰山川猶帶血草木亦
吞聲白日鴛鴦下危途旅不行憑誰訴真宰徒
隔痛蒼生

自昔聞兵火傷心在目前生存猶墮淚死去益
堪憐城壘酸風日干戈積歲年請纓還我輩悔
禍是皇天

逢劉吉士鈍菴時謫戍雁門

嘆爾詞林客如何在塞門蹉跎頭漸白慷慨氣
猶存把劍論時事吹燈照淚痕金雞聞欲赦早
晚沐天恩

祁縣贈閻漫川同年

吾兄乃達者早歲向烟蘿世事今如此浮名竟
若何人來光水少田傍幘山多醉後惟高枕不
聞種豆歌

太原除夕

今夕山城裏客心坐轉煩年光分半夜燎火閉
千門續酒惜殘臘感時念故園所歡吾毋健萬
事不須論

元夜曹學憲紀山枉過有述

三年三晉地臘盡復春宵忽訝年華改兼悲故
國遙文章懶往哲出處媿清朝把酒踈燈下君
來慰寂寥

登恒嶽五首

恒嶽來何所正當北極中早年聞勝跡老我謁
玄宮雷雨流晴壑松杉撼晚風靈山瞻禮罷懷

古意無窮

南去臨全晉北來控朔方千年形勝在萬壑松
雲涼上界金銀闕懸崖薜荔房乾坤回首處冀
野路蒼蒼

不覽群山徧寧知北嶽尊于今歸 聖代自古
障中原日月遮明晦烟雲互吐吞秋高臨瀚海
萬里辨清渾

昔人巡狩地風景有無殊恍惚危峰墮陰森古
殿虛夕陽岩五色虎峪栢千株依舊玄天月冷
冷照玉除

層崖獨立虜萬木秋風寒水作玲瓏聽山如齒
苗看盧敖元有杖殷女尚留丹寶籙肯相授明
朝即棄官

春日病歸先寄冰壺楊明府二首

今日還戎馬空餘疾病身豈能當國士終合作
關人塞路天仍雪海鄉柳已春所欣沾惠化裁
此報安仁

長路看山色其如久客何明時辭印綬垂老向

烟蘿花憶春城發，門憐芳草多。因君歸興好，到日聽弦歌。

再過栢井驛將別任栢溪鎧

十載題詩處，青山滿驛門。與君今日別，白髮向中原。客路看春樹，寒燈照夜言。明朝故關上，回首一銷魂。

雁門九日無興登高作詩二首

九塞行將徧，三秋歲欲殘。故鄉歸未得，客抱向誰寬。雲送臺山暝，風吹關樹寒。干戈正擾攘，何

處可凭欄

把酒不能醉，登高柰所思。豈堪雲斷處，正值雁回時。風雨樓煩國，關山李牧祠。寒花無意賞，况復髮毛衰。

秋日飲王計部擬蘭亭次韻二首

訪汝亦何暮，淒其池館秋。風迴黃葉舞，天淨碧雲流。詩句輸摩詰，客心憶少游。相知不痛飲，歲月若為留。

池亭當勝所，烟淡更宜秋。勾注千峰出，滹沱幾

派流酒因愁易醉藝以老難游不是同鄉并誰
能盡日留 基青州人

寓安邑

回首同戈路忽驚歲序徂腐儒慚餽廩多病夢
江湖凍水寒雲合條山夕照孤荒涼城郭裏惆
悵禹王都

懷來城逢四明呂二山人二首

飄飄江海客此日滯燕關裘馬狂仍甚風塵氣
亦閒尋幽秋過寺得句暮看山我正悲羈旅逢

君一解顏

南國亂不止客心其柰秋一身來萬里避地獨
登樓燕樹著霜變羊河抱郭流明年與爾去滄
海老漁舟

和王侍御自沁州見寄兼送還朝二首

柱史吾鄉彥高情柰別何有書來晉水無夢不
漳河亂後征徭急明時諫諍多老懷關世事况
聽大風歌

近報干戈息遙瞻日月新乘驄趨北闕遺惠泣

西人道路千山霽鶯花上國春玉褒能獻頌不
祀碧雞神 隆慶元年

宿土明村

北來三百里纔見此孤村自有干戈後惟餘老
稚存山川空對客風雪不關門隣壁何人住哭
聲夜尚吞

汾州贈孔文谷先生二首

愧我栖栖客得升賢者堂早聞經濟志今見髩
毛蒼兩漢看文體終年入醉鄉田園開背郭人

擬輞川莊

早上萬言書曾傳玉殿臚才非時所用心與道
相符注易山名卜為農谷似愚不因賓 帝曾
事業詎能無

故關別任栢溪

關門從此別對酒各沾衣芳草臨歧路千山向
夕暉交情惟汝在世事與心違後會知何地休
令音信稀

過青蒿鎮

野店愁過日悠悠驛路斜
黍禾將歲暮窰洞幾
人家雷響千山雨風啼
獨樹鴉客心向誰好關
塞是天涯

東有天涯山

春日懷歸

岸幘花前坐忽同林下居
春風吹戶牖芳草徧
庭除嗜酒無餘俸多愁
懶著書歸歎桃嶺上兄
弟共耕鋤

東張前溪大叅

松洛陽人

為問張平子客懷近若何
悲秋心共苦憂國髮

應麟北嶽雲中樹桑乾霜後河
懸空寺裏約九日可相遇

過懸空寺

一寺空虛裏危欄高幾層
懸崖惟度鳥無路去
齋僧雲隱多羅樹天垂寶
月燈塵心何處覺孤
磬下峻增寺在渾源州磁窰口

冷泉關別張安軒少叅徐南野
僉憲二同年

羨汝同南去嗟予獨北還
離筵臨野水客路入

秋山世故誰相語，塵心自不閑。那堪分手處，日暮冷泉關。

岩畔僧居

岩畔疑無路，禪關向此分。金沙高映日，貝葉細翻雲。入定妨猿嘯，焚香下鶴群。何時乘興至，清磬月中聞。

望箕山懷許由

箕山樓隱處，逸駕接崆峒。孤塚懸雲外，芳名落世中。聖朝猶不仕，潛德更何窮。余亦塵埃客，徒

懷高士風

聞喜公署言懷

寂寞淹山館，寒城下夕陰。迂懷空慕古，撫事已戒今。路遠鄉書少，天高秋意深。不堪客思苦，月出更聞砧。

宿吳城驛

孤城夜裏到，雪色正漫漫。亂後人家少，山深燈火寒。悲風吹古樹，入夢似驚湍。明日黃蘆嶺，彌知邊路難。

行靜樂梁嶺山中

岩壑行來好松杉盡不如經年無客到何處有
人居石古苔生徧泉香麝過餘買山能得此亦
可結吾廬

路中逢立春

簫鼓迎春日喧喧客裏聞馬消邊地雪旗暖晉
山雲隱隱川光動微微柳色分田園正好去莫
待有移文

過石嶺關

石嶺月初上登登僕從勞山城秋路遠戍鼓夜
聲高驅馬臨重隘感時換二毛風塵頻看劍無
夢向江皋

出京別諸公

萬曆庚寅

春日去都門河橋氣色溫為因乞骸骨寧不戀
君恩白首家千里紅亭酒幾尊治平諸老在深
足慰離魂

夜渡溇沱

夜渡溇沱水茫茫幾里寬舟行人不覺波動棹

聲寒彼岫千燈候成樓曉月殘趨朝正此際老
矣別長安

近家志喜

還家春未晚草色尚萋萋漸覺世塵少忽看鄉
樹低候門喧稚子炊飯有山妻從此滄江上別
開桃李蹊

過王成店感舊

當年沽酒處此日一人無回首悲陳迹浮生媿
老夫長途春草徧小店野烟孤忍見旗亭柳風

前鳥自呼

霑化夜集感舊

別去憶多年張燈惜此造故人嗟老矣吾髮亦
蒼然雨響殘秋地城分不夜天從今數來往同
裡海西田

過忻口

落日臨寒渚悲風動戍臺雲隨長路去水自亂
山來白髮身將老蒼生志未灰沙禽鳴向客旅
思轉悠哉

逢楊風軒教諭時風軒罷官久矣勸之東歸故鄉

前歲一官罷于今尚遠途
鬢毛驚盡白囊篋想
應無老更攻詩翰
狂猶到酒壚東
歸舊業在三
徑未全蕪

宿稷陵關效杜荀鶴體

野館千山裏
頽垣少四鄰
雄圖追往古
衰鬢憶吾親
岩月望不出
秋虫聒寂人
關門候明發
南去有通津

赴南都登太岳二首

駐馬登東岳
憑高辨四溟
始知人世小
不斷此山青
樓閣秋孤出
川原晝杳冥
將尋孫復隱
忽忘有嚴程

梁甫名仍在
登封事不磨
逢人詢古蹟
覽勝欲狂歌
匹練吳門近
豐碑漢代多
還能舒老眼
萬里見滄波

樂城讀吳川樓給事壁間詩次韻時川樓猶謫宦

青瑣同袍友知從此地眠朝中傳奏疏客裏見
詩篇大陸秋風急長河夜雨連 賜環應已近
猶自著吟鞭

答溫中丞見寄

如璋時余寓平定候代

留滯春將晚思君曠所期荒城書到處白日夢
回時老病醫難得兵符謝已遲歸途定相見應
嘆髮如絲

清明後一日劉通政過嶺園

希子皿

嶺園逢君夕春風食尚寒不言別後事先問

聖躬安存歿悲諸老去留任一官雲林最深處
相對酒杯寬

中秋嶺園對月

為問林塘月如何分外明轉憐河漢近偏映竹
松清疑有羽人駕杳無天籟聲庾公興深淺茲
夕可相并

寄題屠赤水空明閣二首

隆能文負屈

聞君起草閣賽我半間樓深喜居相似翻悲路
阻修江雲晴亂入山月晚還留偶記少陵語乾

坤到十洲

高調已絕塵林間閣又新谿山且礙眼名利豈
關身倚檻觀無際談玄坐至人謬言不識路夢
遠鑑湖濱

贈呂山人劍

寶劍帶龍文空歲未策勲呼僅開玉匣雙手贈
茅君江海獨行處鯨鯢應散群夜深謬拂拭光
在斗牛分

病中喜雨

海國經年病山堂少客過平明看細雨長日對
垂蘿世事渾宜懶生涯豈在多老來厭兵甲一
洗望天河

三家村

海色暗荒原蕭條自一村日高不見火人到始
開門屋比巢居陋儲無僦石存猶聞催兩稅對
此欲銷魂

首尾吟二首效宋人體

我思堯舜時察察盡師師猶謹危微念長歌喜

起詩中天懸日月萬古仰網維擊壤人不見我
思堯舜時

我思孔孟時人得聖賢師六籍咸遵古七篇半
引詩無非明帝道總是正天維異說紛然出我
思孔孟時

得二鶴

本是雲霄侶伴予守故丘敢嫌雙口累似與二
僊遊舞遠花間徑唳高塵外樓身輕如有日跨
爾向羅浮

郊居秋興

郊原淨秋色幽事甚從容不厭山僧過每於田
父逢為橋通野水伐木出寒松更願烟塵絕終
身一老農

栢林寺別王計部寺即李晉王墓所

園陵今作寺秋草向沙陀事嘆千年往人憐兩
度過山川明霽雪鐘磬帶烟蘿於此別知己尊
前意更多

春日平定候代次韻訓任苗二子

如何已解綬猶此客天涯為有求羊過頓關早
晚衙詩人情自好塵世事堪嗟遙憶嶺園裏春
深樹樹花

贈陽信武明府

我讀循良傳惟君似古人愛民不啻子接士儼
如賓野潤潘花徧城春陶柳新 聖朝正求治
早晚侍 楓宸

重過雷化范公園

人憶義皇上園開渤海西以予別去久是路再

來迷雨徧桑麻野春深桃李蹊平生一范老不
見意悽悽

南山上人來訪送以小詩

寂寞誰相訪師來千里餘不言心自了一呪病
能除歸路石仍滑世緣老已空 東從茲門再掩草
色徧郊居

贈卑鎮村族

吾家養齋老所性如 不及盈頃草房只
數間宅隣廣武墓樹接烏鴉山已住郊原外柴

扉長日關



國家圖書館, NATIONAL CENTRAL LIBRARY, TAIWAN, R.O.C.

夢山存家詩稿卷之三

五言律

九日同呂山人登覽曠亭

極目川原外，放懷天地間。
千林秋葉墜，萬里塞鴻還。
風雨詩偏壯，榮華晚正斑。
不因君落帽，誰解是龍山。

題介休王醫杏林卷

賣藥兼求道，年年海上過。
應人渾偶爾，濟世有諸科。
術異泣神鬼，心閒到薜蘿。
春來聞種杏，莫

樹繞汾河

題馬愧非巢雲亭

亭子起何所高懸古柳間為聆黃鳥語兼愛白
雲還杯外分平楚座中到遠山襟期有如此能
望不能攀

壬申九日登覽曠亭憶舊會兼喜谷司馬

初還次前韻

往事真如昨登高復此間歲時人半老江海客
初還暮雁聲偏疾寒花色白斑不須多感慨東

望有牛山

送園上人還五臺

清涼古佛地有屋傍西臺礪雪春仍積岩花夏
始開已知苦行滿想見文殊來二虎倘無恙為
予問訊哉

庚寅九日登高

林下登高處飄然興不同迎霜樹五色對酒菊
多叢世事浮雲外風流落帽中莫悲秋漸晚天
際有歸鴻

閒居贈五臺僧

浮世豈忘我衰顏無片能絕交惟獨往問字幾
人曾門徑長青草軒窗挂紫藤莫言少客訪見
有五臺僧

元夜病足 寓平定侯代

春到人猶病寒燈臥獨吟藍輿他日事藥裹異
鄉心歲序驚沙塞椒花憶故林歸期仍未定滄
海夢中深

家居次呂山人韻

罷官真是遲多病老來時難抱灌花瓮空臨洗
硯池閉門春草長伏枕隙駒馳潦倒不堪用非
君孰我知

病足自遣

仰臥長終日空齋澹所思何須窮海岳祇貴得
希夷真性能無損凡軀未足悲文昌詩句好身
病是閑時

答王龍門見寄韻

自向山中臥蕭條門逕秋市沽愁不醉藥品病

多收世事歸詩卷生涯有釣舟聞君欲相訪家在
海西樓

月夜至山園

而我愛光景山園夜亦過微風醒鳥夢明月澹
烟蘿露冷蛩聲少亭空樹影多此中得佳句高
詠向星河

秋月吟

清光正東上大火已西流皎皎四時月如何偏
愛秋玉繩低草閣金露濕芳洲遙憶僊人宅五

城十二樓

秋日間居三首

笑我起居處寥寥一竹床長貧諳性命多病識
行藏地與紅塵遠秋憐白日涼山僧久不至木
落并西堂

謬道無生理秋天亦苦予倩人斲藥品伐木結
寒廬酒採菊花釀唵收桐葉書所歡遂閑散名
利將焉如

荒徑無人到柴門帶晚霞不知身抱病且喜菊

開花買鶴供詩料
鬻書送酒家
秋來禾黍熟
垂老此生涯

還家逢九日二首

自喜一官罷
寧悲三徑蕪
懸車少客訪
入戶有僮扶
黃菊寒仍在
青山道不孤
老來慵戲馬
高枕臥江湖

芳辰來故國
秋色徧柴門
正值菊花候
新開竹葉尊
晴雲高雁鶩
暮雨長蘭蓀
偶誦閒居詠
斯人可共論

和呂山人病酒

酒病嘗難受
山人其柰何
詩仍枕上得
飯已午時過
問字良朋集
閉門芳草多
忽聞發高興
予亦散微疴

五月廿七為誕陶兒日
時寓都門聽覆試
念之作此

兩年誕汝日
皆在客途間
正屬炎蒸候
其如遊子顏
科名是何物
天性自相關
從此堪偕隱
雲深馬谷山

月夜

齋中人去夜松際月來天自擊羅浮磬高歌招
隱篇軒窓殘雪在河漢數星懸鶴夢呼不起吾
心誰為傳

海鄉聞雁

平蕪霜露合孤雁尚南征影落黃龍渚聲淒魏
豹城殘雲疑路斷新月似弦驚十載關山北曾
傷故國情

閏八月十五東王高二君以前月惠酒病

不能會

正當延賞夜一病獨成眠北海尊空在南樓興
杳然清宵嗟已失白月喜重圓茲夕誰能負星
河萬里天

戲題三角亭三首

茅亭獨面東想像總無同形出方圓外數蕪天
地中聯詩宜石鼎講道去尸蟲混世當如此寧
論拙與工

何方問蓬島塵世路多岐獨向小亭坐還如上

古時斜開蔣詡徑靜遣季文思盡日看春色
萋萋葦葦苑

前後悲身世于今記得曾年光何鼎鼎人意尚
稜稜白日依蒼轉昏星傍溜澄惟應招總印共
此閱傳燈

戲題草屋三首

爽塏非吾願結茅獨傍村經營謀素拙巢窟意
猶存俗士頻迴駕高僧常到門此中風日別
背有餘暄

土壁須臾就業扉容易開海鄉乏木石棟宇借
蒿萊尚恐秋風妬應無燕雀來平生懷栗里八
九亦多哉

茅茨高幾許所願避風寒雅稱蓬為戶偏宜竹
作冠自甘芻狗棄人以臥龍看深感谷峰老為
予賦考槃于宗伯寄題有俗殺午橋莊之句

秋日郊居二首

嶺圃寡塵鞅悽然秋日心呼僮移野菊留客醉
霜林落葉悲時序浮名咲古今靜言思代理世

慮盡銷沉

昨夜涼風至轉憐景物新
已蘓多病體况復少
烟塵歲稔登禾稼秋高有
巖蓴瀟然無一事猶
念未歸人

登新興里黃臺

臺起縣中央登臨意獨傷
愁雲連海暗蔓草接
天荒幾里無雞犬迎冬見
雪霜憑誰問民瘼村
落滿斜陽

重過馬谷山村

山村重到日風景益堪親
家遠惟宜病境幽豈
避人雲開三洞曉水漫九
河春投老此中得當
年在問津

送汪山人遊山海

自是江湖客猶然變姓名
妻孥貧不問書畫老
逾精雲黯秦王島山高孤
竹城同誰登碣石醉
看海濤生

贈李廣文移居無呈王宋二丈

定爾嫌車馬還因欲卜鄰
蕭條委巷內來徃向

誰頻門徑不除草圖書長傍身宋王家咫尺俱
是素心人

和呂二山人君子居韻二首

渤海非東海窮鄉柰薄遊慚予為地主愛汝獨
風流野色蓬三徑濤聲夜一樓隣人亦知德送
酒過牆頭

山人 寧波人

此地誰堪隱君來就我居若非耽寂寞寧不厭
樵漁綠柳村邊舍黃庭枕上書相看吾道在世
路竟何如

答呂二山人雨中問病韻二首

謾說憲非病空慚回庶幾家貧人臥穩橋斷客
來稀秋草恣侵徑寒雲伴掩扉明朝野水落依
舊釣魚磯

已向山中老寧論世上功爾詩久作崇吾道豈
云窮百畝桑麻雨一溪楊柳風生涯亦自好端
不坐書空

立秋後一日董劉二君過訪

杖藜偶爾出忽見兩高軒不意索居處得聞長

者言是時流大火傍樹倒清尊落日遽相別依然又掩門

邀諸學博賞菊

佳菊偏宜晚入冬始落英寒增茅屋色雅稱野人情霜露清三徑壺觴盡一生廣文能好我騎馬過柴荆

郊居效樂天

老去無餘事徜徉草野間高蓋移當竹亂石疊為山客到即呼酒僧來同閉關不因逢盛世那

送此清閑

送鄧廣文之任宗陽令

文旆忽南去老懷柰別何仙皂琴未得荒墅更誰過客路九江遠楚城三戶多一言堪贈否佳政在弦歌

送孫司訓之任良鄉學諭

幾載借荒城為師獨有名那堪驅瘦馬猶自戀諸生月上蘆花白風傳黍谷清莫言官尚冷已得近神京

雨夜有感 諸生時作

白晝又黃昏更深未掩門人垂燈下淚鬼哭雨
中魂雙髮愁將老一經還自溫寥寥長夜裏心
事與誰論

寄董愈憲間居二首 邦政有邊才

聞君已解任投老向青齊結屋長山北買田渤
海西花應栽滿徑藥想種成畦處處堪行樂春
來酒自携

濟世須安石東山豈合歸尚存韜畧篋新作芟

荷衣紫塞名仍遠蒼生志不違長春高臥夜猶

夢羽書飛 長春董君園名

寄呂山人用韻

殘冬仍寄食念爾老無家跡尚如飄梗情多似
亂麻綿袍誰見贈魯酒自應賒聞作玉門客筆
頭想夢花

病中曹子見過

長日閉門臥衰年懶讀書貧惟安所遇道欲識
其初鶴跡山房滿松聲藥院疎不因君問病誰

肯過吾廬

秋日劉別駕偶過

近午猶高臥小車說到門披衣迎好客問婦有
清尊市遠盤食少秋深松菊繁文章與出處身
外不須言

雨中和張山人懷歸越中

故里何年別魚書隔歲沉囊無十日鬢髮有二
毛侵交誼原非淺酒杯莫厭深西園聽雨處還
似越江潯

和呂山人遂初堂韻

茅堂得詞客相對兩忘機以彼心長逸憚予病
始歸漁樵元舊業荷芟有初衣堪向此中老回
頭萬事非

寄淮陽張給事

侃

予多張季鷹行與古人并諫主曾焚草為詩
獨擅名淮陽山水郡海上薜蘿城見面何由得
空勞夢寐情

九日憶亡弟巖

自汝棄予後出門益覺難無人陪笑語對酒獨
悲酸荆樹霜中老鶴鴿原上寒茱萸雖滿把含
淚不能看

醉臥讀高蘓門詩

閒居長是醉高枕任吾歌懶慢心方得嗟蛇老
豈知北窓風到處深樹鳥鳴時世事一無好猶
耽陶常詩

越中三高士飲王左史莊贈此

左史能延客况聞高士名盤桓輞口墅登眺古
時城聽鳥管絃廢看花羅綺輕夕陽猶未返應
待月華生

南園刈麥

刈麥向南圃城中不異村晴風低乳燕夏日滿
衡門豈獨糊家口且思供酒樽生涯誰謂薄郭
外有雞豚

夏日野塘泛槎

十畝野塘裏浮槎亦勝遊不知三伏暑潭似五
湖秋映酒垂紅蓼傍人起白鷗因思西思泊毒

霧若為愁

雨中客自濟南惠石與竹榴

移將華頂石寄我海邊村已適樂山意况兼花
木繁風光分北渚雨氣滿西軒從此獲三益恍
同靜者言

三益自東坡來

題趙子冲玄稿

嗟君狂者流一第竟悠悠見客少青眼吟詩欲
白頭谿山無世態花鳥共春愁從此聲名著前
身趙倚樓

雨夜董信溪過訪

臥病滄江上柴扉晝不開况茲風雨夕乃有故
人來透屋吟黃葉踈燈照綠苔平生丘壑意共
盡掌中杯

秋晚桃嶺再集

已過重陽日風高寒更催菊殘猶待客病後尚
登臺萬木霜中落浮雲天際來祇應拚一醉騎
馬夜深回

春日

春日更多情風吹杖履輕欲聆黃鳥轉獨傍綠
楊行遠句陰雲合孤村花木榮偶然逢野老邀
我坐柴荆

送孔松崖道者

是吾夫子後自然獨脩仙心注形骸外道窺天
地先蓬萊知遠近歲月自推遷惆悵此時別歸
來幾百年

送程尉還蜀

與君萬里別忍見柳條春已恨罷官早兼悲為
客貧猿聲來峽口草色暗江津想就嚴平卜行
藏不在人

起巡撫陝西

嘉靖丙寅

一身曾許國詎敢顧其私捧檄寧不喜絕裾還
自悲朝廷多難日臣子請纓時早晚干戈定
歸來慰母慈

冬日喜韓紀善過訪

桐蒲臺人候補

嘆爾王門客長裾未着身遊梁終授簡訪戴愧
非人雪散遙林色杯傾大海濱不須論出處南

北正風塵

秋雨宿里石嶺

嶺險藤迷路山高石作城
片雲何處雨孤客此時情
茅屋幾家住秋風半夜生
旅魂愁已絕况聽鼓鼙聲

安邑逢閻給舍二首

按張總替杖歸

青瑣同趨日聲名汝獨先
別來多歲月老去阻山川
杯酒還今夕風波憶往年
五雲回首處相對一潸然

聞君高臥處門向翠微開
野徑葡萄熟山橋麋鹿來
閒居應作賦治世孰憐才
余亦思歸者滄江有釣臺

早秋登龍門城樓二首

朔塞樓頻倚新秋天乍晴
雲山兼日色鼓角帶邊聲
路有元人轍臺餘漢將名
楊公石柱在極目舊關平

指點雲州地真為漢北門
八城臨大漠一路向中原
晴日山川映秋田黍稷繁
文莊經畧處父

老至今言

覽壁間北嶽詩憶舊遊

絕頂曾獨上乘風凌紫烟採芝秋峪裏謁帝夕
陽邊瑤闕頻回首塵寰動隔年棄官何日去空
誦白雲篇

紫芝峪夕陽岩皆北嶽景

經順聖川

野曠行人斷風高戍鼓鳴青山隣巨虜白日閉
孤城戎馬千年地江湖萬里情不堪征戰後極
目一沾纓

過響水堡

之水合流處戍喧十里繁乍聞堪動色相對未
可言東峽香岩怒濤日月翻松應阻胡馬不
可入中原

即事

嘉靖壬戌

世事渾無補歸心祇置眠飛來何處雨一洗漢
山川海宇豐登日軍臣罷去年單于猶未款誰
為勒燕然

答王少參見懷

惟寧關中人

我豈揚雲侶君同王粲賢憤時應伏酒投老是
何年擾擾干戈地淒淒雨雪天不堪客舍裏獨
論烏鳴篇

對山亭雪後在陽和

雲帶高峰好况於雪後看澹烟飄戶牖清景似
江干塞遠人稀到亭孤歲自寒獨愁防虜者猶
未解征鞍

小天門在四海冶

疊嶂迴環處桃源恐在茲雲從馬足起藤向樹

頭垂磡水喧迎客岩花笑索詩殷勤留姓字記
我獨來時

同王少參遊清虛觀四首

徑轉孤峰外霞明仙苑邊瑤華開幾世丹竈閉
多年洞古雲長合堂虛日獨懸登臨有王烈共
詠紫芝篇

逸思駕天風飄颻出半空山川雲日裏樓閣畫
圖中洞隱千年鹿潭飛萬里鴻平生慕仙蹟此
地即崆峒

金扉凌倒景，玉女儼層臺。地靜人同鶴，峯竒錦
作苔。亂雲行處起，清吹坐中來。仙駕杳不至，誰
將寶籙開。

山晚鳥猶吟，窮幽此日心。危途愁作客，勝境欲
抽簪。紫磧松風滿，瑤壇花霧深。歸來應夢到，縹
緲翠雲岑。

邊城見燕子

寥落邊城裏，還看燕子來。主人寧見妬，蓬戶定
頻開。地迥巢難就，風寒羽易摧。翩翩懷舊侶，何

慶傍池臺

左衛秋日候王楊二君不至

關雲看欲暝，離思我何如。野燒驚沙雁，霜風落
塞榆。論文心正切，籌虜計猶疎。不醉今宵酒，空
傳前日書。

榆字依洪武韻

九日寄王少叅

可惜重陽候，年年客裏過。登臨吾不愜，懷抱爾
如何。落日黃榆滿，悲風紫塞多。無由一縮地，把
酒慰蹉跎。

九日登高 大同

已作雲中客更登塞上臺風塵回老眼節叙託
深杯碧海雁行斷陰山雨氣來故園今日菊惆
悵向誰開

春齋漫興

遠地無人到春風憶故林傍簷獨鳥轉積雨衆
芳深中散琴為侶山公酒是心欲騎黃鵠去萬
里孰能尋

秋日懷西石王憲副

塞上同遊處經秋不見君酒杯誰共把書札曠
相聞木落陰山雨沙昏瀚海雲干戈仍未息一
倍惜離群

春日再登雞鳴山

去歲寒仍夜今來春且晴再登諳道路高眺轉
分明斥堠通沙磧山川擁 帝京祇憐征戰後
不聽有雞鳴

送郭叅將振赴淮陽總戎二首

分閫向南州王程不可留九邊名已著三楚戰

應休蓬斷狼山野烟昏蜃海樓平生許國志把
酒看吳鉤

推轂權方重隴西名素高樽前歌杖海上望
旌旄未戰謀先定臨時氣自豪威轂已飛去白
日靜波濤

過楊伯起墓

予亦關西裔長年仰素轂之官過古墓採藻薦
先生華岳開平野桃林有故城如何千載後獨
以四知名

環縣早行

胡虜平無日滄江未擬還燈前梳白髮馬上夢
青山薄曙群峰外殘星杳靄間雞鳴問何處已
過古蕭關

題龍門圖送溫侍御還朝

隆慶元年

疊浪下危岑誰言禹鑿深群龍鬪白日客子發
孤吟怒拍山川氣愁關天地心憑君為砥柱到
海萬波沉

山中見野菊

是處秋能到山寒菊亦開香偏凝礪壑根故遠
池臺不入神農譜翻令田父猜陶家三徑裏憶
爾賦歸來

永壽道中

不知山縣處忽聽午時雞城郭到方見烟雲看
漸低人疑勾漏令地即武陵溪正是花開日香
風趁馬蹄

出塞

一望祁連北沙黃晝不分沿山皆漢幟隔水是
胡群風勁霜鷗入磧寒野兕聞鶻饑啼白日猶
似怨將軍

蕭關北作

塞路山難斷天愁雲不開遙驚戍火起數見羽
書來周室朔方郡唐家靈武臺客心正多感羌
笛暮堪哀

宿瓦雲驛

蕭條來野館秋草正淒淒復此聞風雨燕之厭
鼓鼙經年堦樹老人夜怪禽啼獨坐生歸思田

園渤海西

憶老母

吾母八旬外其如遊子情正宜憐短日猶自戀
浮名馬為看雲駐詩因陟屺成誰云須祿養江
海有袁閔

雪霽遊天界寺

滿寺皆山色房房帶薜蘿松篁寧厭密鐘磬翻
嫌多樓壓雲邊樹池通江上波諸天新霽雪乘
月更宜過

齋宿對雪同王雲澤侍郎

在南戶部

江國欣逢雪飄飄渡石城叢篁斮欲碎粉署眼
偏明共慰祈年意仍高作賦情不知剡水曲誰
棹夜舟行

謁孝陵

未曉謁松楸儼如拜冕旒千山環閔室一劍定
神州王氣深鍾阜天威肅暮秋登高望不極日
夜大江流

題武進楊鵞山寫真障子其子為錦衣

早歲遊江縣常時憶太湖
草玄亭在否松月夜
仍孤未遂雲龍志空留
冰鶴圖傳家欣有子名
列執金吾

宿回龍觀

沙際開瑤館 鑿輿幾度過
日迴雙闕迥雲傍
九陵多承露空仙掌
沿堦自綠蘿夜深清吹發
猶憶舊鳴珂

遊大慧寺同李行人熹任計部鎧羅廷評

節汪山人淵賦

寺在京城西

花垂羅洞口樹滿碧雲層
對境疑為夢前身恐
是僧樓臺依北闕
經論有南能却恨相過晚登
臨意不勝

同舒司寇登城西真如寺塔

寶塔共登臨遐觀遂此心
海山開萬里烟靄淨
千林鳳闕瞻逾近龍宮視轉深
謾言離色界花
雨惹衣襟

同朱金庭僚長扈蹕宿甕山寺

野寺臨寒渚僧房依暮山
不因扈仙蹕那得叩

在
家
詩
和
卷
三
五
禪關朗月旌旗近嚴夏鍾梵閑况同朱仲晦高
論碧雲間

夏日送王學博之穎

魯南即是楚誰謂客程遙赤日時方急青氈興
自饒花開三戶地門對七星橋歐子讀書所西
湖跡未銷

謁長陵

勲業仰重華園陵是帝家山高逼象緯地險
鎮龍沙風雨諸靈謁松杉萬壑賒為埋弓劍處

五色見雲霞

飲谷司馬荷花池

不到瀟溪上誰知花正開清臨明月浦美映九
蓮臺過雨看逾好無風香亦來眷茲君子德日
暮更嚼杯

月浦蓮臺邑中景

過井陘淮陰侯祠

將軍破趙處顏廟依荒山伏臘幾人往旌旗到
死閘碑橫秋澗草路入土門關過客空詞賦干
戈有愧顏

韓祠斷碑獲鹿志中為八景之一祠在土門
左即井陘口也碑多宋元及我朝諸公詩
皆辨其真偽之心迹悲其烏盡乎歲似非趙
地語况信之趙殺戮必多在趙人不宜立
祠宜碑之殘斷如此志列之景尤無謂漫跋
此于小詩後

過靈石淮陰侯祠

俗云傳首處

一廟荒如此曾登上將壇功高能蓋世名重不
詳官題題夜巖嘯薜蘿秋徑寒全身魚報主惆

懷古來難

臨城逢賈少尹

正明曾任海豐簿

下邑均田日高才衆所推豈期淮泗上復見鳳
鸞姿海運終難講河漕要衆思君家三策在定
不負明時

屋成

一屋營方罷倏焉到夏初
琴書綠樹當門合閒心
草不須鋤

送無名道人還樓子莊 在濱州

滿地寒雲色悲君欲遠遊何方非夢境隨處有
丹丘漢島孤烟暝秦臺萬木秋他年道成日鶴
駕再來不

村中大雪

雪意滿林皋寒深興轉豪尋詩心獨苦訪戴思
多勞雀墮梅枝亞鶴盤松頂高村家門盡掩隔
壁問香醪

讀道書

焚香草閣裏隱几讀丹書未解壺中秘聊窺物
外虛青林拙白鳥綠水躍紅魚此際無人語雲
消月上初

繁峙縣逢林野橋戶部

秋高山下縣夕照塞邊村以我淹留所聞君慷
慨言輓輪疲內地烽火入關門懷土兼憂國同
傷客裏魂

聞東西之警 寧夏與日本

江湖老淚流二月忽高秋每慮東西亂不知早

晚休雪深狐外嶺雲黑蜃邊樓廊廟群公在應
分 聖主憂

過兗府遇賢宗中立

王家賢父子海岱有高名今日神仙第古時曲
阜城吟詩唐李賀講德魯諸生醴酒相逢後懷
君益劇情

不遇賢宗務老詩以言情

未須承面語從古有神交禮樂河間在詩篇太
白豪南山與壽並北斗自名高贈我無他物王

祥一佩刀

鄒縣謁孟子廟

濟溺微言在論功並禹堪經過瞻廟貌氣象尚
巖巖泗水宮牆北嶧山城郭南祇因能直養萬
木與天參

苦雨自朝南都作

一雨動經旬苔衣遶舍新豈堪卑濕地况是倦
游人吏散官疑客厨空桂視薪司農難自計白
下萬家貧

讀高冲寰月下為雪山壽母詩賦此兼有
厚望以有山林語也

雪月兩清奇更吟絕妙詩全無烟火氣雅有玉
冰姿堂上增華髮堦前映壽卮仍當圖大孝千
載盛明時

再登黃臺

古臺重眺覽日色帶沙黃雨水三春少風烟萬
里長時時防寇盜處處罷耕桑老淚不須墮經
綸有廟堂時有備倭之議

送董喜山任壽州督農判官

喜汝新承命督農濠上原下惟曾憤志佐郡自
多恩淮水雲生座公山樹到門循行春正暮花
滿楚人村

宿小山望海寺

岩頭燈火起幾處見僧房蘿薜昏初夜星河滿
上方人歸山店遠磬入海天長明日正東望蓬
萊接混茫

寄四明張公子

翩翩美公子早歲即升堂探韻過南史為園似
辟疆越中江路遠濟上海天長會面無由得裁
詩作報章

虜後經小石寺

桑乾河畔寺門對戰場開亂後僧多去雨中客
獨來霜笳連磬院野燒到經臺無計平胡虜塵
心空自哀

雪後見樹凘二首 俗名樹掛

未到春風裏忽驚樹樹花寒光疑礪壑野氣亂

烟霞遠路歸樵子何枝棲暮鴉佇看消曙色錯
認是瑤華

開門看霽雪似霧復如花自訝非玄圃何緣得
素霞占年知大有施食到饑鴉為愛千林色渾
忘西鬢華

訓紀山見寄韻

別離二十載書到見交情始信山居好益憐詩
韻清花開宋玉宅雲抱楚王城何處思君切秋
高古北平

戊戌冬日送王醫北遊

京國別多日故鄉重會時青囊術益妙白社許
相隨鯨海波濤在人寰歲月馳那堪又北去風
雲正離離

夢遊異境詩以紀之 萬曆己亥秋

天地有靈境却於夢裏遊人家皆古朴風氣絕
溫柔不辨林中草遙瞻雲外樓覺來嘆塵世落
木忽驚秋

曹學憲書齋談詩次孟方伯韻

先生非我輩官况似閒居有俸全供客無時不
著書檻雲和竹冷樓月照琴虛大雅詩成後浮
榮想未如

贈滿上人

滿老居何寺清幽信水南一心傳四祖大藏閱
多函房許詩人住道於靜者談晚來習禪寂雙
樹映苔龕

送劉廣文

君有轍梁學中含涇渭明一官知晚節十旆誨

諸生雲淡滄浪野秋高曲阜城傳經多令子海岱仰芳聲

送譚廣文西歸

官舍連秦島生徒盡魯儒如何捨此去為憶子雲居戶外清流滿窓中古木疎知君精化理應著景昇書



夢山存家詩稿卷之四

七言古

秋日送呂二山人南遊兼寄青州陳同年

芝嶽

秋風颯颯吹客衣聞子明朝又南發
回首應瞻燕塞雲與誰共醉齊門月
齊門烟月不勝秋詩句如珠何處投
感時可弔田文里懷土休登海上樓
君家空樓渺何處越嶠鄞江歲云暮
滿眼干戈歸不得逢人猶索空樓賦
身自飄零心自



閒幾時重出穆陵關若遇青州陳伯玉為言憔悴欲歸山

送呂山人往邯鄲謁呂祖祠

我讀枕中記已厭邯鄲塵君去訪靈跡復臨漳
水濱漳水西來幾百里長途日晚紅塵起行人
只解問黃梁不悟盧生今亦死舊日叢臺今若
何滄海桑田變已多名利驅馳人易老白頭猶
向祠前過祠內真君是阿祖清宵應得夢中語
落落區寰吾與汝終南太白在何處玄關消息
肯相傳與君去去學長年

夏日讀呂山人甲子稿

靈雨初過暑氣徂殘虹半落青天隅誰人撥得
驪龍珠山精海怪來相呼十二樓臺爭獻圖蛟
螭潛泣愁水枯白晝夢狎昆侖奴野鬼捫舌撼
戶樞醉拋瑤杵碎冰壺松風颯颯寒人膚童子
汲井鳴轆轤狂夫消渴一旦無

啄木吟嘉靖年中作

啄木鳥五花色朝飛城南暮飛城北老樹無虫

啄風葉徒惻惻鳥以虫為餌虫在樹心裏雨注
風刮樹欲死明年何處哺其子爾不見首陽山
中蟬吸露向雲煙又不見延陵江上雁啄稻在
平田只今樹木高於天吁嗟啄木鳥爾心胡不
然

和呂山人戲作病足病腹歌

嗟我方病足君何亦病腹
狂來還飲幾斗酒行時須仗一竿竹
我足經旬不出門昨宵猶夢向王屋
鞭笞雷霆開道路
嗚叱鸞鶴同如僕君腹
今日不能食就中空閑多所畜
已飲仙家之玉液更得佛氏之金粟
拉君共上崑崙居
食霞馭風心何如

天生黍歌有序

甲子春余以病歸田里余在任無能蒙

聖天子兩賜金幣因買田百畝在桃花嶺之南
北擇其腴者種瓜與木綿仍餘田三十畝一
夕黍苗徧生夫農夫勞勞播植耕耨尚有無
禾之嘆今不假人為多而且茂非天與耶呂

山人適至謂余曰公貧好飲天資之以釀酒
耳山人與喻明府俱作七言長篇余和之

吾皇聖德一何深小臣兩次受兼金買田百
畝連滄海結宇三間傍翠岑耕鑿自擬他日事
驅馳欲盡平生心自從得病放田里伏枕三年
今始起為農轉覺帝力多踈懶其如衆口何
不乘款段澤中去長荷鋤犁嶺上過可喜今逢
大有年官家為政若烹鮮柴門不見里胥到野
老惟聞日晏眠夜來新得滿犁雨南畝有禾深
幾許初聞木綿齊發花更報荒田皆生秬頻年
赤地愁無禾誰能不播苗盡吐人力雖勤未必
然始知造化功為巨清貧已得真宰憐酒錢不
苦無人與時當伏臘可作梁客若遠來亦堪茹
里中貧者無其數落任教材僅取感應由來
仰至尊秋成定飲酒滿盆醉祝吾皇億萬
壽以報天高地厚恩

和呂二山人病酒作

君來不獨為逃暑河朔風流自今古解囊時出

海嶽圖對人不作寒暄語平。生嗜酒若無錢願
我買田多種黍年年五月訪秋來紅葵白葵滿
樹開不須更作驚人句且向北化前傾酒杯

題萬松圖謝客惠雙栢樹

感君惠我二栢樹為君試寫萬松圖醉中落筆
無遠近醒後看之亦扶踈夢入天台第幾峰千
岩萬壑盡蒼松晴宵白晝作一風雨屈枝老幹蟠
虬龍聞道此中堪避世服松於栢固元氣祇因
軒冕誤長生佳樹移來想高致野人家在滄海
澤頓令蓬戶羅清陰病來已棄大夫職老去能
參般若心吁嗟乎得此二栢樹何啻雙南金

和呂山人醉蝶吟有序

嘉靖乙丑秋七月四日辰刻余與呂山人對
酌有缺蝶自北牖入向山人若舞若慕又若
語吸山人杯中酒餘灑於几間從前門飛
去一低一昂有醉容態昔莊周夢蝶栩栩然
猶以為異著在南華傳諸千載若此蝶者直
吸杯中可謂物我一體矣非山人抱林壑之

姿帶烟霞之氣不能有此山人詩成余和之
紀一時之勝耳

小圃開樽七月初
蛺蝶飛來如相呼
狂客當筵笑拍掌
五色翩翩下復上
一吸杯中真有神
平頭奴子却生嗔
徘徊宛轉不欲去
似戀雲林最深處
或是劉伶所化歟
不然嗜酒何同予
萬事無如一醉好
滕王莊叟兩蘧蘧

行路難二首

嘉靖年中作

奉君琉璃盃酌君琥珀酒
聽我高歌行路難使

悲歡兩無有君不見見瞿塘水險天下無扁舟
通捷吹噓蠶叢鳥道削如壁駑駘經行百無
一良能諳六馬情十二衢中似鏡平不知一
生誠軻轡車輻折馬盡驚吁
爭難自料
有鬼神司權衡儀秦口辯周張吃許時皆可
公卿勸君酒君莫辭富貴榮華自有時

不見見邯鄲市上屠狗兒縱博不知歲月馳買
放歌人不齒一言許諾輕生死又不見長安
城中車馬客揖讓宛若稷與契一朝得君固權

龍回視同袍生胡越胡越南北路不通乃今共
人復同籍眼前浪起不相容遂覺茫茫天地窄
我歌行路難使君心無歡寥寥古道幾時還願
隨四老卧商山白首茹芝無禍患

春夕飲紀山宅醉後觀火花歌用杜韻

船齋中夜清爽主人乃是詞林長燈前愛舞
纏頭座上呼尊自拍掌晉苑梨花開尚遲蘇
火樹今重賞此時天女墮金花此時東皇簇
三丈光德如臨蜃氣樓依稀似倚璇題榜蜃樓

璇樓倏然開千光萬焰雲霄上文采風流聚一
時眼中榮辱那堪悲况逢盛世心無事醉死花
前不復辭南方露布初聞捷北極朝廷更喜慈
須臾花盡忘歸去把酒還歌芳樹詩

贈田三得孫

昔年我醉水西村君尚無鬚初冠婚今年我臥
桃花嶺聞君有子復有孫問君行年四十幾壯
歲得孫歡莫比芝蘭滿庭從此始人間萬事浮
雲耳厨中有酒且有雞荆樹春來枝葉齊君應

終日醉如泥呼兒把盞聽孫啼

題許參戎風木卷

雁峰南下蒼茫樹舊是阿翁棲隱處落日猶懸
雙竹扉英魂不返泉臺路幽思無端結暮雲秋
山猿鶴叫孤墳將軍莫向西風哭赤葉蕭蕭誰
忍聞

海日篇壽路蓮浦兵憲

隱隱扶桑樹迢迢芙蓉城陽谷萬丈底相傳日
所生我遊太山登日觀俯看溟渤精靈變桃花

谷口雞未啼沃焦石邊吐已半火輪閃爍蓬萊
宮十二樓臺元氣中蛟螭深藏海若泣倏忽乾
坤萬象同海上仙人安期子平生變化亦如此
餐霞日坐阜鄉亭跨鶴時過之呆水皇心惻隱
世間人命汝執符作帝臣彤墀侍日月紫塞
掃風塵風塵已淨鴈門道日月猶光諫疏草本
是漢家太乙精今為宋代龍圖老只今甲子無
人知紅顏綠髮映長眉姓名已記御屏上回
首三山空復思君不見海日升沉今亘古君之

勛名與日伍

贈華谷子歌

華谷子昔年相遇北渚亭買酒放船西湖裏湖
光瀲灩八月秋殘荷猶香暮山紫醉來走馬向
西街個儻風流誰可似舊遊回首水滔滔海上
重逢興不豪我向天涯甘老矣如何爾鬢亦刁
騷君有長才不得售仰視雲霄空唾手劉蕢上
書君門遙張儀還家舌在否黃金赤紱盡浮雲
不如花下一杯酒請君且莫嘆蹉跎來日已少
去日多天上誰回羲氏駕眼前安得魯陽戈以
此謝塵世吾將臥烟蘿君能滿飲我高歌白日
西飛柰若何

壽圖歌為任栢溪舉人鎧賦

南極星照江之澣瑤彩離離燭萬戶夜半山精
作人語化為白鹿來玄圃 聖人御天覆下土
黃河清後芝生廡朝有賢良野無虎四海壽康
歌舜禹誤落塵網冒簪組忽見僊翁淚墮雨任
君翩翩顏亦苦巨鰲釣罷遊寰宇蚤立功勳報

明主與爾騎鹿崑崙去

貧女行和呂山人

生長蓬門人不識四幅學裙手自織髮邊祇以
荆為釵篋內渾無帛一尺行年三十猶未嫁專
與人家作針刺羸將升斗奉阿母春日秋夜閑
不得東隣有女富何如箱常盈千輶盈百鏡裡
方及二八年春中已適金張宅世人重色總堪
嗟况重高門不論色高門自富吾自貧肯以羅
綺改貞德猶勝棄婦死路傍冤魂入土血為碧

題潘母節義卷

我今行年八十二猶向人間問奇事舍弟都門
寄書來盛稱潘母之節義潘母早歲失所天即
誦栢舟以自誓區區一死諒非難祇為懷中有
弱嗣可轉羞為山下石不動真如井中水自古
閨閣有丈夫潘母訓子乃相似每憂世上起風
塵使學孫吳萬人藝阿子談兵已著名因念所
天忽長逝屢經當路表其門遂使賢聲滿 帝
里南北干戈苦未休欲樹勲名此其際潘生臨

危莫愛身以體慈母三遷意汝家舊在渤海隅
漢島秦臺相對峙母為節婦子忠臣為我齊人
一吐氣

夢山存家詩稿卷之五

七言律

雪夜晉邸賞紅梅和孟衛源方伯韻

王家仙苑倚雲開
山坳初放梅授簡正逢
佳客會移燈若遣
美人來亭欄絳霧翻歌袖盆
盜香風入酒杯最
羨襄陽詩句好瓊瑤欲和愧
非才

送張華岩入

賀蕪憶舊遊

征蓋天邊望去塵

青華八月是長春呼嵩遙



想千官處戀闕空慚萬里身海內靈芝隨地貢
懷中寶鑑定誰陳因君回首雲霄上鳴珮如今
幾故人

楊彬菴憲副因梁鳴泉憲長卜居真定作
此贈之

一官十載尚飄蓬買宅新來沱水東價值半從
朋輩借生涯豈得世人同藏書山鑿幾千窟種
藥園開二百弓我住澹洲路不遠他年訪爾與
梁鴻

送晉左史馮公聞訃還海豐次韻

思親去國復離居一夕憐君髮髮踈幾日春山
驅匹馬十年梁苑憶長裾文章已喜留西邸機
杼應悲見舊廬讀罷白華多少淚海邊人仰孝
象魚

遊雙山寺

絕頂誰開古佛堂青山白日塞門傍僧因禦虜
不持戒客為尋詩到上方礮水遠含天色碧春
花徧發石頭香坐談未了西來意下界征人報

夕陽

訓紀山迎春日雪見惠之作

青幡夾路晉城隈
淋氣輕浮竹葉杯
世道應從新歲轉
客懷共向好時開
隔牆梅柳雲仍凍
入座笙歌晚未迴
不是詞人高宴會
如何白雪滿春臺

古龍王廟

一間古廟向黃昏
四壁空瞻土像存
未見歲時供伏臘
猶聞雷雨覆鄉村
沙痕風積香花地
藥

曼秋懸霹靂門
謾說精靈能變化
眼前搖落不堪論

北樓道中次前溪韻

寒花夾路向邊城
雲裏樓臺粉堞明
到處長看霜樹色
無時不聽野泉聲
松間石鼠衝人散
雨後山雞繞磡鳴
最喜秋來烽火少
題詩終日只閑行

晉祠次程古川韻

春到石橋客漫過
躊躇晉國舊山河
桐珪尚鎖

叔虞廟碧玉新傳李白歌地接仙源瑤草長天
連朔塞暮雲多當年霸業今何在滿目煙霞帶
薜蘿

再遊雙山寺

峰前峰後西烟蘿再到渾疑隔世過野水近增
秋磬響山雲長傍寺門多每逢勝地心偏愜自
嘆浮生髮已皤欲共老僧脩淨業風塵猶未息
干戈

冷泉寺

小亭曲檻石泉幽古壁苔花偈半留何代金銀
開上界常時松栢似深秋娟娟汾月寒搖磬細
細霍雲晚抱樓此地最宜消渴病人間炎海不
勝愁

送唐新洲大叅轉閩中總憲

禹舊掌科

才名此日孰如君瑣闥曾窺獻納文海內風塵
難見面眼中芳草又離群星槎夜下螺江樹玉
節寒開烏石雲聞道仲欽棠蔭在八閩刑錯是
奇勳

春夜再餞文岡憲長即席次韻

清夜仍瞻冠蓋來天涯去住各嚙杯乾坤愧我
終無補網紀頌君一振顏別路山城殘月滿到
時棠樹幾花開秦川華嶽應增重舊是梁園作
賦才

春日病目柬群公

病眼經旬不出衙全無詩句答芳華垂簾謾道
窺丹鼎看字渾如隔絳紗世事愁來翻斷酒人
情閱盡尚疑蛇柳條梅蕊春俱好何日從君向

水涯

答呂潭西憲長惠人日詩次韻

羞將短鬢入華年留滯天涯更可憐海上玉樓
空窈窕山中瑤草漸嬋娟陰雲此日仍愁客兩
雪經冬祇醉眠自揣終非漢庭吏黃梁今悟呂
公玄

送程大叅入

賀

程舊侍御史

僊槎北上幾時還帝闕高懸霄漢間黃帕共
瞻新使節皂囊猶記舊朝班天開閭闔箕星曉

日近蓬萊紫氣殷遙想彤墀嵩祝後將因獻納
對龍顏

沙澗驛逢劉參戎

風塵滿目塞門間愧我書生髮欲斑為問干戈
何日定不知江海幾人還河聲暮逸沙邊驛雪
色晴看天外山全仗將軍能破虜莫令匹馬近
三關

過冷泉關次韻

關門落木忽驚秋此地防胡控上游為憶當年

誰設險轉憐今日事堪愁雲生霍巖高低見雨
漲汾河深淺流何處角聲聽不盡趙城城外夕
陽樓趙城縣名時有虜警

送葛雙石兵憲轉江西大參

旌旗遙指豫章城楚水吳山幾日程塞上勛名
堪勒石客中離別若為情路經匡阜雙螺碧舟
入潯陽一鏡平見說東南民力盡應將撫字慰
蒼生

秋日同谷司馬遊西河

風烟搖落九河秋我輩携觴豈浪遊欲向古今窮故道還從天地乞滄洲沙鳧暮有千群起霜葉晴看兩岬浮縱使乘槎上銀漢何如此處老漁舟

秋日登無棣古城呈谷司馬

草色蕭然徧野城高秋登眺雍門情丘墟那復論前代變幻真堪嘆此生魏豹墳邊四履盡淮陰壘外九河平古今俯仰元超忽底事猶耽世上名

初至海上時有任以警

一氣混茫白晝陰不知大塊有高深潮酣真懼初來客歲暮空懷遠望心日隱蠻墟將萬里烟生蜃島忽千尋于今 聖主當中國海若天吳莫浪侵

登馬谷山

平地突然出一峰登臨若立碧芙蓉盤河水繞疑奔馬古洞雲深見螭龍影落滄溟高氣象路經葭菼少行踪老僧已許石頭住為我先栽萬

竹筒松

先大夫曾署大沽河過此有感

偶過先子曾遊處觸物逢人倍感傷每訝滄桑
難變改翻悲天地有存亡當年漁父猶知德舊
日官衙不見墻向晚潮聲和淚落寒烟帶日色
蒼蒼

聞蟬有感上谷雲中無蟬

陰陰夏木滿西軒蟬響初聞是故園幸得秋風
時尚晚恰當雨霽噪逾繁門前不改烟霞色枝
上如聞道德言回首十年闕塞外夕陽惟有鼓
鼙喧

次第和海洲翁韻

海洲王翁吾黨君子人也年之不廢吟咏與
予倡和得詩最多姑存十首以重其人

日高猶未整襟裾正是莊周夢蝶餘扣戶俄傳
七字律得君勝讀幾年書王門每羨懸車早
帝闕深慚啓事疎從此相將愚谷隱浮名淨利
不關予翁以長史告歸

隔戶松風清到裾詩來又是夢魂餘重聞山水
琴中調更見龍蛇簡上書敢謂此心隨地得祇
因多病與人踈平生獨愛王猷興踏雪還能一
訪予

歸來烟霧滿衣裾回首乾坤一咲餘酒熟燈前
留客醉詩成花下教兒書當門但有青山在覽
鏡何妨白髮踈自信狂夫狂更好困君潦倒總
忘予

千古功名笑絕裾豈知身外盡羸餘百年長祝
慈親壽一世不通宰相書雪後潘輿肩亦穩風
前萊綵舞寧踈細思子職那能盡願把周行數
示予

誰遣秋風吹素裾天教酷暑盡無餘海鄉省憶
鱸魚膾歲事堪從大有書自覺病懷纔脫洒更
聞法網漸稀踈與君共醉太平酒街上群兒任
笑予

平時感慨欲沾裾况見前朝戰伐餘間道空留
廣武墓危城猶壯魯連書愁來翻與酒杯好老

去更於劍術踈莫向古今頻墮淚安期海上又
招予縣城北有左車墓安期亦齊人

草色西園綠映裾雨晴小閣景偏餘如阮籍
仍耽酒愁過虞卿懶著書向日鳥聲何啞亂繞
亭竹影自扶踈靜中忽得高人詠世事無能可
到予

相逢野老淚沾裾久旱人貧豈有餘百里祇存
懸磬室三春不見問農書溝壑水涸因風盡草
木枝焦向日踈惟願皇天念民命江湖無力枉

愁予

老來無力曳長裾臥病滄江廿載餘馬上豈能
為顏盼燈前長自檢方書乾坤萬事終難了農
圃一生未是踈春到舞雩心尚在預呼童冠詠

隨予

幾年江海接華裾所吐珠璣總緒餘黃葉翩翩
都是景別才落落不闕書歸來方見宦情薄晚
節仍嫌詩律踈謾道枯腸搜已盡東坡佳句趙
陳予

秋日同程張二丈登太原西城樓得天字
樓高秋色倍堪憐共倚危欄夕照邊幾處河山
征戰後百年懷抱酒樽前瀟瀟木落汾西地黯
黯雲愁冀北天此日吾儕同眺望吟成梁甫各
愴然軋嵐皆吾東齊人

題先大夫所遺萬竿烟雨障子

依山傍水總相宜不說南朝李畫師貧也家遺
惟此物痛哉親去已多時堂空似覺烟雲合夜
靜猶聞風雨悲滿幅瀟然雙淚洒可能更誦蓼

莪詩

答客問長生

早從勾漏覓真玄絕粒餐霞亦枉然幾被丹書
將我誤實無口訣為君傳流年漸老空慚鏡滄
海何時更作田元運自長人自促不如醉臥白
雲邊

贈董光祿雙壽七十

海鶴丰姿衆不如况偕萊婦古稀初窓中機杼
還能理燈下詩篇每自書為厭風塵長閉戶因

憐水竹早懸車即今顏鬢俱無改遐筭應過百
衰餘

九日登馬谷山

登高此日亦竒哉野色瀟然渤海涯獨喜寒花
開絕頂寧須戲馬向層臺浮雲萬里天難問落
木三秋鴈正來何事牛山不痛飲沾衣徒使後
人哀

冬月苗汝材自晉中以氈衣巾見贈詩以
謝之

雪天草閣自優游仍擬張衡古四愁裘帽兩函
分海縣故人千里憶并州興來剡水尋詩客囊
盡長安當酒樓繾綣已知君意在愧無錦繡段
相酬

送高少尹還章丘時雪中過訪

一官棄去若鴻毛千首詩成興獨豪此日逢迎
真倒屣十年書札憶神交酒杯共把嶺園雪世
事回驚渤海濤別後山中堪自愛女郎峰頂暮
雲高

秋日用韻訓劉廣文

劉燕人喜談兵

秋風騎馬過雲林共有平生著作淫潦倒我堪
多病後蕭條君柰一羶深閉門索句饒佳興罷
酒論兵見壯心出處無憑正愁思可能裁和郢
中音

送許廣文還易州兼寄張北岡萬育吾

堪悲吾道已蹉跎回首燕山限九河海上人思
安定學客中誰聽漸離歌關門此日風塵少易
水長年雨雪多若見兩豪憑問訊談兵壯志復
如何

寄贈王穎州

為政風流世所無一時聲價滿留都
寒惟夜動長淮月省稼秋過十里湖
楚地有人歌召杜漢家從郡起公孤
他年南國懷恩澤定向甘棠詠大夫

古城看獵因至黃龍渚

古城城畔斷蓬飛日壓平原正合圍
才短豈能為獵賦年衰猶未息兵機
即看滿目寒雲起忽

憶邊頭羽騎歸欲把雄心弔前代秋風吹上釣
魚磯

秋日飲一齋叔北村二首

阮家別墅喜初遊為黍烹雞八月秋稼穡有年
供國稅江湖何地不風流繞村樹色紛如錦傍
海雲生突似樓從此往來須盡醉門前峻嶺是
糟丘

從來祭興自林泉此日開樽地更偏三洞煙雲
秋水底九河雷雨夕陽邊因催詩句狂逾甚為
愛君家酒亦賢不怕夜歸逢醉尉看參應待欲
橫天

送莫廣文署縣後還鄒平

橫經濟北自何年暫視縣符渤海邊才大豈愁
淹簿領興多隨處見詩篇盤河水落疑恩澤大
略峰高憶講筵別後未須勞翰札賢聲雅有口
碑傳

送王廣文宗之使京回還寧海其弟正之
皆有文名用前韻

君家兄弟玉為林，怪爾官卑且滯淫。奉使虛隨天闕轉，談經復向海門深。幸逢漢代崇儒日，不比秦皇策石心。賦就凌雲人所羨，豈無狗監是知音。

送田廣文之鄒平府教授

偃蹇儒官誰更過，談經空說似田何。讀來萬卷猶為少，携去片氈亦是多。泗水春風餘潤澤，尼山夜月尚嵯峨。賈生也作長沙傳，千古還知道不磨。

還家後春日南園

春風昨夜滿閒居，藹藹青回徑草初。纔買園田思甕井，欲招隱士旋為廬。姓名已謝山公啓，農圃頻看王氏書。莫道還家無客訪，門前日日見樵漁。

答客問亦山園次韻

投老山城晝掩門，空齋祇有藥爐存。風塵力倦十年路，松菊貧開半畝園。謬許襟期過阮瞻，那知骨相似虞翻。肯乘詩興閑來往，願借南鄰酒。

一樽

題滄洲卷送張子還越中

露冷滄江客欲回，囊空人共惜高才。
家居東海經年別，舟問南徐幾月開。
秋草獨過伯禹墓，寒雲愁上越王臺。
不知陸賈遊歸日，曾有群公詩卷來。

望崆峒山

鼎湖龍去幾千載，聞說軒轅尚有祠。
春草應荒問道處，曉煙猶似煉丹時。
誰登絕巘尋玄鶴，我

夢陰崕採紫芝，若使長生真可得。
山中早拜廣成師。

秋日登徐州延雲樓

樓壓秋城半入雲，憑高四望楚天分。
尊前水送千山色，檻外鴻飛大澤群。
臺去霸圖俱落莫，怪來仙氣尚氤氳。
最憐西北長安遠，白首回時憶聖君。

過定山莊先生故里效其體得詩一首

此老平生鐵作腸，詩篇每帶梅花香。
欲知出處

惟漁父自信麗豪過楚狂江海高風元滾滾乾
坤正氣尚堂堂至今人道墳頭上松栢經年有
雪霜

平定元宵無月

客中節序意多違寥落山城燈火稀尊酒閉門
愁黯黯星橋何處雪霏霏誰堪老病逢今夕况
復風烟接帝畿時事鄉心兩無賴夜深獨坐
一沾衣

送李叔恭司訓藁城與槐南正菴相近

入成倚馬幾人看老作中山學校官但繼弓裘
三世業寧辭風雨一氈寒西堂可遂聯床約縮
地應追益友歡莫向塵埃羨炎熱折腰為吏古
來難時議師生
不晚路

送董三同獻春秋補傳不遇還越中

嗟君萬里謁楓宸又向江湖老此身補傳抱來
空泣玉新詩賦罷浪驚人愁中南國干戈在雪
裏長淮道路貧薦士未如揚得意緜袍雖贈亦
沾巾

壽太宰虞坡楊公

周家師保漢尚書翊贊三朝白髮初曳履更趨
金闕早掄才長到夜窓虛殿中 聖主流清昭
海外夷人問起居自岳降申天意在古來壽者
定無如

送任計部之廣川

別我仍留書一函分司何在廣川南才掄粉署
應非偶恩向明時已再銜滿地九河多禹跡開
軒萬里盡吳所看君到處無言意事業終當似

平誠

送趙郎中之任保寧 訥能詩

自古閩中賢太守其間強半有詩名以君起草
明光殿遂爾分符大獲城秦代金牛開驛路巴
童竹馬候行旌治平十詠應先和涪水皆添白
雪聲

送董司訓茂之任高平大父名曾為邑令
有生祠

一壇西入太行雲把酒都城此送君每向塵埃

悲吏役却因產戶羨人文門臨上黨千峰繞馬
過浮橋二水分大父昔年曾作宰祠堂香火正
氤氳

宿懷安讀王憲副壁間有懷詩次韻

新句壁間讀罷驚詩家君亦是長城吟隨鼓角
聲俱壯思入星河影倍清憤世曾聞捫虱語經
秋復見憶鱸情此時安得一携手把酒關山醉
月明

有感

一官白首滯邊城擣散渾多江海情嗜酒那知
囊裡盡尋僧數向寺中行胡塵滿眼全無策吏
隱何心浪得名揚子十年猶未調閉門空草太
玄成

寄送曹學憲之任江西叅政

明時薇省重詞臣南望章江興轉新天上彩雲
隨去鷓城中廬嶽待高人滕王閣敞千峰曉徐
孺亭孤萬木凋獨恨支離荒塞北未知何日挹
清塵

秋日同孫參戎登陽和城樓

清秋白日映山川，遠景平臨古塞前。
自得將軍無戰鬪，不妨客子有詩篇。
霜凝錦繡灘中樹，風落琮瑋石上泉。
莫向燕南頻極目，故園迢遞海雲邊。

陽和有錦繡灘

懋懷來仰止亭次趙中丞韻

邊城寥落戰塵餘，直北猶傳箭上書。
那有勛名馳異域，每因花鳥憶閒居。
桑乾水遠重關外，灰燼山青六月初。
未必此時少頗牧，白頭安用魯

中儒

酬劉二府過嶺園劉宣府人有高才以非科甲故有末句

老喜故人海上過，開樽嶺園對煙蘿。
纔聞朔塞兵初罷，豈料中原事漸多。
語到蒼生流涕淚，愁臨岐路遶山河。
眼前君最強吾意，國士寧須甲乙科。

春日行廣靈山中

層巒曲徑興無窮，碧草晴吹三月風。
怪聽禽聲

幽樹裏清憐詩句亂山中隔林烟起和雲黑繞
礪花開映水紅日暮不知是關塞猶將歸路問
樵翁

宴集惠安伯宅呈省中舊僚

早從諸彥侍明光此日重登世爵堂白髮尚堪
陪讌飲清特誰不羨鵷行門前柳躡春城色座
上花分御苑香欣遇 聖朝容獻納共將堯舜
事吾 皇

送王太僕之任滁州之垣舊掌科

出入三朝瑣闥中承恩今借厯湖東論官亦是
王毛仲抗跡猶傳魏鄭公山色青圍衙舍滿泉
聲亂落古今同使君自有無疆意肯向溪亭學
醉翁

壽河南李封君其子任通政曾使琉球

有子今為門下省羨公猶是黑頭時鶴姿已卜
仙人壽鸞誥新蒙 聖主知家近函關多紫氣
地連嵩嶽長靈芝曾觀奉使琉球錄天報忠臣
良在茲通政名際春

九日京城西和汪山人韻

京國城西幾度秋，若非高士共誰遊。
千家樓閣隨登眺，一片湖山費應酬。
風雨乍晴天有意，烟塵不動客堪留。
樽前忽誦黃花句，應是珊瑚入釣鈎。

詩話有珊瑚鈎原倡月一鈎

夏日飲途次小山中用韻

山開屏障樹為籬，座上烟雲墮酒卮。
鳥愛重陰啼不歇，詩逢佳境句多禪。
夢魂渺渺江湖遠，心事悠悠道路知。
避暑且圖河朔醉，吏人謾報夕陽時。

陽時

贈王汝遵

忠簡公後能醫

多君早歲厭簪纓，獨跨青驃海上行。
見說移家來馬谷，復聞訪道入蓬瀛。
逢人怕問尚書齋，賣藥還留宰相名。
不為老夫今抱病，城中誰得見先生。

戲呈王司寇李少司徒二詩豪

兩賢真是阮人哉，搜盡枯腸詩又來。
咲我已輸三舍地，推君並上百尋臺。
清新如此能無法，敏

捷應知別有才暫乞騷壇罷旗鼓燕山春到萬
花開

和王司徒元旦早朝之作

身事清朝已歷三羨君華髮尚宜簪星回萬
里天將曙燎映千門曙更諳虎拜轉從新歲健
龍顏長並上公叅應陳國計匡明主出入
休言力不堪

讀騶山諸公所遺倡和詩有感次韻

世間何物不成塵惟有詩文重漢秦偶誦賡吟

如晤語因思朋好欲沾巾乾坤老去誰長在江
海人高半是貧恨不當年同結社鶯花共醉百
年春

誕日寓普明寺謁毘盧佛

虛度八旬又一年茲晨孤矢憶初懸四方空抱
風雲志千里仍多山水緣數問蓬萊無道路翻
令老稚訝神仙永懷慈母恩難報白首焚香古
佛前

誕日寓迴河寺兼贈慧上人

回頭身世嘆塵埋古寺暝投濟水涯乍入山門
疑舊到纔逢老衲意相諧慚予年過北溟望羨
汝法宗南嶽懷初度客中念慈母佛前願施八
關齋

遊靈巖寺

八十二翁長閉關為尋知己到名山巖頭雲走
如迎客谷口花開似解顏鐘磬聲來天地外樓
臺色入有無間老僧欲我留詩句松月滿空徧
未還

和呂山人夏日集嶺園遇高生韻

綠樹濃陰覆短籬相逢正是夏深時種瓜不負
青門約對酒仍歌白竹詞燕掠紛紛來近渚蟬
鳴箇箇向高枝天邊忽報夕陽盡為遇漁樵歸
去遲

贈董氏四兄弟

商山洛社映千春猶是東西南北人那得同胞
俱白首况能高竚遠紅塵錫聲斷續秋原靜棠
樹發生夜雨頤我亦龍鍾兩兄弟可容作會海

之濱

題劉廣文墨竹

千載俄逢此墨竹，喬嶺覺起秋雲靜。憐疎
時相對，遙憶清風晚。未聞高節不隨天地老，淡
香曾與蕙蘭群。伊誰携向西牕坐，惟有能詩劉
廣文。

贈鄭于石

于石諱國望，越之高士也。至日冒雪訪予，
詩以贈之。

草屋雪天自擁衾，忽逢至日動孤吟。即今門徑
人踪絕，何處梅花月影深。剡水尚思迴夜棹，燕
山猶記滿朝簪。君來正是閉關夕，共我圍爐坐
竹林。

走筆和王同

明時誰復問漁翁，
叢桂在况逢浮世
下恩深。烏雀饑聞說，
陽薇

王少尹祈雨有應

四月荒田苦未耕誰從窮海問蒼生祇因少尹
心如水遂有甘霖夜滿城堪咲陰陽虛縱閉豈
知天地自和平請君明日南郊望徧野農歌雜
頌聲


贈孟仲傳

聲名早已動三臺河朔風流自異才講道忽驚
兼孔墨論文不說似陳雷百年湖海占星聚五
月筵櫺對酒開朝後惡若何處切暮雲春樹隔

蓬萊

悲性聰和尚

每坐更深香自焚行年八十斷聲聞已知陰魄
隨風盡何處法身逐化分瀟水有羅仍挂壁鄉
人結社競參墳禪家寂滅休垂淚為買碑刊大
鑿文



夢山存家詩稿卷之六

五言絕 六言附

丁字沽

可怪直沽水翻為丁字流
扁舟何處去風起浪悠悠

桃花口

泊舟桃花口不見桃花樹
惟有捕魚人日暮放歌去

載酒亭四絕為紀山賦



山雲浮雪舫溪月上花臺奇字主人識誰能載
酒來

裊裊孤雲入嚶嚶雙鳥鳴詩成留客醉暮罷遶
花行

琴尊虛檻裏獨坐有高人月映桐花夕風歸柳
葉春

每到花開日携觴坐此亭醉來拚一笑不為訪
玄經

孤山獨秀

在蘇州

誰將一片石高插向晴昊留與路人看天風吹
不倒

塞上謠

年年築邊城虜騎猶出沒夜深沙月寒空照杞
梁骨

擬古思邊二首

久成在邊頭春來忽已秋雁傳天外信人倚夢
中樓

自是良家子十年九在邊髮毛白已盡何日勒

燕然

獨坐

夙心厭煩擾無事即羲皇山入曉窻碧風吹午
院涼

生老病死佛家以為四苦宋人又借此以
誚權貴今反之為四絕句焉

無慮復何私人皆孩視之一啼並一咲猶似未
生時

尚能血氣衰百事一無為白髮茅簷下從教日

暑移

南北罷驅馳門高臥時不生又不滅惟有維
摩知

歸去是便宜蒙莊憤世詞人生如晝夜此理更
須推

秋園雜興

晚歲習禪寂已無世上情如何深夜裏猶自感
秋聲

天心元不動寒暑自推移獨愛陶家酒絕無宋

玉悲

高林葉亦落何況於蒿菜怪爾嶺頭菊迎霜尚未開

今年大雨水家住九河邊不慮貧無食翻思買釣船

榮枯觀物理萬事總如斯無慮復何遣惟吟靖節詩

為問南歸鴈徘徊戀稻梁寒雲幾千里何日到江鄉

種麥此時節閏耕原上田衰年筋力少惟執打牛鞭

結草為廬舍人稱安樂窩秋風滿天地將柰此中何

向晚蛩聲雜淒淒籬落邊老夫方醉臥魂夢繞釣天

一年惟此月清比高人心獨坐小樓望不知興淺深

不見安期棗已無邵氏瓜嶺樵纔半熟氣味逼

僊家

猶是仲秋月菊花尚未然故人念狂客先送酒

家錢

時李尚書送酒價名戴

偶題漁樵圖各一首示知己者

終日江頭坐臨流非羨魚狂瀾嗟未倒愁思竟何如

不斷終南路難辭金馬門去留兩未得俯仰愧乾坤

宿凌雲寺二絕句

繫馬夕陽邊山僧訝客至門開古殿秋云是凌

雲寺

野寺一僧住朔風萬里來虜營猶未徙獵火照

遠臺

郊居

秋苔青徧野寂寞極郊居何處山僧至門前響木魚

春日南野讌集

南郭春偏好留人到夕陽風吹山鳥語花落酒

杯香

客中

到處悲新事連宵夢故林
鬢毛誰願白無柰客中心

遊善卷洞

五月吾來此洞中涼似秋
問僧搗石刻携去記曾遊

聞王柳濱謫楚中二首
尚學庚戌夏

聞近長沙地應悲屈賈
真言謫成苦不死是

君恩

一自潞河別幾看秋華生
哭君無限淚不是世人情

讀莊子

富貴浮雲爾死生一夢焉
此中誰解得空誦遠遊篇

偶題

正是小春天欲眠不得眠
方為詩思苦又辦酒家錢

丁卯橋

愧我塵埃客兩過丁卯橋徘徊醉吟處碧樹自
蕭蕭

宿穆陵關次壁間韻

一路入千山行人日不閑那堪霜月白獨宿穆
陵關

獨坐

亭空寒落葉野近暮多雲何處鳴孤鶴坐中悵
獨聞

過存上人墓

路左孤墳在何方示化身惟留橋上月長渡往
來人

題空塵畫

不聽松風起山窓生暮寒惟愁天地老留此畫
圖看

認和尚號一菴詩以代偈

未認猶為二既認一亦無一無兩不得何處着
工夫

偏關北望

耕牧春仍廢臺隍虜作隣受降城不遠恢復是
何人

京衢謠

風寒僵馬足雪厚沒車輪可怪九衢內猶多菜
往人

閔旱二首萬曆庚子年作

一旱忽四年天心恐若此居鄉無片長自愧亢
倉子

溝壑不忍視一視淚如雨憑誰請發棠空飽倉
中鼠

敏上人坐禪詩以嘲之

真僧亦在市大道不歸山為問敏和尚如何學
閉關

寒照原無二休從窳一邊宗門曾有語作鏡不
磨軌

嘲儒

尼父不言靜後儒何怪哉紛紛諸語錄皆自五

燈來

六言

遣興

時寓

病臥獨親藥
裘詩成不負年
華汨汨門前流水
青青山上人家

夢繞床頭詩
卷榻依洞口
煙蘿誰遣村童送酒
忽聽野鳥如歌

夢山存家詩稿卷之七

七言絕

壽董憲長七十

去國竟難明
蒼莖一官元
是為丹砂要
知天地酬君意
七十誰能髮未華

題舍弟二川卷

惠連此地掩郊扉
為愛隣家盡釣磯
况是滄江秋色好
隔原頻見鶴鷄飛

秋日送華空塵還童丘



高秋紅葉映柴關幾夜論詩杯酒間別去故園
明日是寒花開徧女郎山

和王兵憲寄秋日詩韻

白日無多其柰秋每逢清夜共誰遊吟成張翰
黃花句醉上庾家明月樓

世事猶能入夢魂却因多病乞文園向來三輔
論兵地短劍長纓動塞門

關山北望謾躊躇聞道單于款塞初此日江湖
堪自慰知君不向酒杯踈

壽劉廣文父九十劉燕人

只今客傍秦王島何似家連碣石宮自是劉晨
仙骨在百年無地不春風

才名早動九陵邊迎養仍開首宿筵誰遣黃金
收駿馬空教豪士得長年

東關寺杏花

野寺尋芳日已斜春風無力挽飛花不知開落
誰為主欲向山僧問法華

春日東門人李生卧病

柳色青黃二月初吾徒猶自檢方書縱然出郭
無携酒眼底何人最起予

過雞鳴山憶王少叅

下臨諸塞上摩空百丈天橋一徑通可怪兩人
俱好事夜深曾到白雲中

東關寺牡丹

洛陽春色艷難勝金甌合于今半葛藤爭似一株
山寺裡夜深猶映佛前燈

贈金相士口號

看君碧眼是僊才誰遣江湖萬里來自笑已成
丘壑相莫言麟閣與雲臺

憶舊

却色蒼茫堤口路故人前日從茲去天邊消息
幾時來繫馬愁看楊柳樹

聽黃鸝

寓都明作

春城何處轉黃鸝纔聽忽飛別樹枝因憶故園
最深處一樽相伴日西時

寄訊紀山

山連巫峽雲為館花映樓臺玉作人把酒聽歌
明月夜還聞世上有風塵

憶東霞鍊師二首

知君名在七真中我亦重陽王害風不信崑崙
丹洞裡向來燒煉火猶紅

前日桃花路口分自言採秀入閒雲海天漠漠
正東望一鶴飛來疑是君

送陶生還會稽二絕句

聞君却忍別吾廬為憶蘭亭有舊居塵世變遷

難自料茂林脩竹近何如

九河風色不勝秋多病憐君上去舟明歲春時
還念我桃花深處半間樓

送初小竹兵備昌平

謝傳從容談奕日終軍慷慨請纓年風雲陣列
沙河上虎豹旗翻帝寢邊

暮秋醉過陽信諸君子別墅各留絕句以
代面談

黃葉青苔徧四隣即看秋色亦勝春此中曾見

客來否明日裁書問主人

右後溪

踪跡三江定五湖當門空見有丹爐滿林落日
杯還把應咲高陽舊酒徒

右東沙

門前高柳幾株斜秋意蕭條到菊花老興不知
過重九啣杯猶問是陶家

右信溪

辟疆亭館傍城阿明月秋深帶薜蘿見說時人
多載酒却令狂客夢中過

右北山

過舊遊

十年前向此中遊尊酒傳呼夜未休何事春風

不相待垂楊搖落水邊樓

五嶽各賦一絕

五嶽去天尺五遙陰崖長夏雪難消聚仙亭上
誰能住萬壑松風起夜濤

七十二君封禪處桃花谷口幾殘碑獨傳李白
詩魂在海日長看夜半時

衡嶽南來江漢分亦宜深護祝融君芙蓉石上
幾時到一夜心飛七澤雲

太華岩窈第一峯陳搏仙後有遺踪何年去訪

高眠處萬里青天跨白龍

少室峯頭跡未陳騎羊仙者是吾身自從玉女
寤前別落鬼塵寰五十春

雪夜宿避風塵處夢夫人陳氏意極悲酸
際括其語為二絕句時萬曆乙未仲冬十
六日也

風響寒林夜雪深此來見我九泉心別君更有
千行淚明日看時血滿襟 夫人

此陵隔死生白頭未遂豈忘情當年四

讀書夜記得南隣碾子聲

夢翁

遊王母宮四首

周朝八駿去不返此地猶傳王母宮昔日瑤池
作涇水仙人元在有無中

草色泉聲向晚多故宮猶嵌碧山阿門前颯颯
松風起似聽當年黃竹歌

青鳥已無白鳥來漢皇空築集靈臺祇因王母
曾臨處一樹山桃對客開

曼倩空為洞冥記回山半屬野人家長生自古

有宋詩集 卷七
誰能得惟有蒼松管歲華

為任栢溪題畫二首

箕踞科頭烟霧間百年生計是青山
陶詩和罷無人見落日蒼松一鶴還

萬壑縈迴一草亭溪雲漠漠山青青
主人何處尋芝朮留得松巖與客聽

贈諸豪寺中觀水二絕句

矮矮山門向渚開小橋斷岸傍經臺
此中誰動觀濠興遙見慈航送酒來

野水僧家併作秋把杯此地亦竒遊
狂歌恐有蛟龍起一夜驚濤濺佛樓

和呂二山人病酒口號

好竒空自笑揚雄海上俄來呂甬東
卧病吟詩頭共白閉門三日雨聲中

太原寒食和紀山韻二首

寒食客中只醉眠不知何處杏花天
雁門此日猶烽火却向綿山獨禁煙

山城亦自有遊人柳色千條汾水濱
見說漢宮

在東詩集 卷七
新賜火况聞楚客唱陽春

靜海逢炒米店舊主人甲辰下第曾飯其
家

蕭條野店大河濱三十年前舊主人今日相逢
無限意一裘猶記苦風塵

揚州

吳山楚水古揚州人競繁華客獨愁二十四橋
橋上望堤邊楊柳寺邊樓

堯陵

寒雲漠漠樹蒼蒼晉國山河幾夕陽獨有荒陵
平水上行人猶解拜陶唐

衰年苦寒暑賴此二物相陪戲各為一絕
聊以遣懷非嘆老也

衰年冬月更愁人不怨天寒怨此身惟爾與予
堪共老脚頭布被暖如春

湯婆子

衰年炎暑體如焚幸有此君為細君紈扇無人
揮亦得一床一簟卧南薰

竹夫人

井陘道中苦暑

道上行人渴欲死病夫其柰此炎蒸相如不得
金莖露杜甫空思玉井冰

炎天又出土門關路狹潭如在火間忽憶滄江
長散髮柳邊石上弄潺湲

題王憲長龍池圖 道行太原人

君家素業傍河汾閉戶談經世所聞不信終當
作霖雨請看池上夜生雲

憶老母用松谿韻二首

郵書兩月不曾聞誰阻天邊鴻雁群遊子那堪

遙極目關門高接太行雲

高堂白髮似絲長三伏誰生枕簟涼苦戀微官
不歸去百年心事愧黃香

閱武二首

半是漢兵半是胡五陵豪氣莫嫌粗眼前上馬
誇輕捷腰下斜懸金僕姑

十八男兒六郡雄一身能挽雙瑯弓銀牌射得
不將去醉卧胡姬酒肆中

焚龍涎香

夜靜香烟入杳冥草堂猶似帶龍腥不知何處
鳴孤鶴飛下窻前聽道經

介子推祠

龍蛇寂寞一祠存濁世誰知處士尊謾向綿山
空墮淚火能燒骨不燒魂

過野寺憶范霑南憲長

山邊小寺匝烟蘿秋日曾同范史過記得一樽
相對處荳花門外雨聲多

過清虛觀憶王僉憲

山頭碧殿倚天開去歲曾同仙客來今日獨過
詩興少白雲空繞牡丹臺

題梁中丞卷四首

宣獻平時書已校不須中秘更燃藜都門處處
春偏好携酒看花費馬蹄

吉士

漏轉銅龍夜未殘即持白簡立朝端宰臣不喜
忠良士始信言官自古難

給事

榆關西去接輪臺萬里烟塵晝不開無限邊情
空浪說惟君親到玉門來

閱邊

三輔賢聲未有涯春風曾及萬人家至今父老
思恩澤猶護甘棠一樹花

參政

送文岡詩予有青瑣幾年還入夢蒼生此
日轉多情之句受菴周公許不喫力戲作
絕句

閉戶吟詩十幾年渾無一句向人傳如何四海
周公瑾獨取驪歌第二聯

挽張狀元元忭

勳名端不負高科白玉樓成柰命何惟有良知

心尚在姚江深處月明多

張大叅前溪遊五臺山寄此二絕句

峨口村南烟嶂開人無同類與誰來不知萬木
千山裏上到文殊第幾臺

靈山到處是花宮秋日登臨憶上公碧澗冰喧
簫管處寒岩松落酒杯中

同羅近溪先生夜坐

南州高士神仙侶一夕相逢世慮無坐聽玄談
清不寐泠泠霜月貯冰壺

次韻答于谷山宗伯見懷四首

十里烟村一短筇山僧野叟日相從
踈慵合向此中老不問蓬萊若箇峰

柴門松徑已新開舊日求羊亦不來
雙鶴至今猶戀主早晨放去夕飛迴

南北風塵入夢驚書生抵掌競談兵
古來豹畧推黃石却向緱山吹鳳笙

莫理城南汶水船于今諸塞起狼烟
已知宵旰勞明主不記仙曹侍從年

再過觀音堂贈老尼

野店南來古佛堂舊遊回首幾星霜
不知別後叅何法枯木寒岩帶夕陽

過無棣舊城

每經此地一悲歌東望營丘西大河
惆悵當年曾賜履茫茫故壘野烟多

遣懷

世上除書不到眼天涯懷抱自開尊
平生只有唸詩癖吏散鴉啼獨閉門

宿岔道村家

在紫荆關北口

亂石為墻籬作門今宵寄宿兩家村
聖恩已許歸田去猶自江湖繞夢魂

延生來謁因善篆畫各贈一絕

纔到邊庭氣即麤高中猶侶魯中儒
自言曾習陽冰學百尺狼烟篆得無

受降城在黃河畔東去山川接大寧
可恨何年陷胡虜憑君圖寫上明庭

寄平定李給事

名念

短李曾為青瑣郎詩名諫草擅時芳
逢人首問平安否高卧冠山白髮長

秋雨宿長安嶺

滿戶煙霞傍成臺踈燈獨坐一尊開
夜深怪底不能睡松栢千山風雨來

村中逢老人二絕句

八十村翁獨倚門子孫逃盡一身存
自言耕鑿無筋力朝夕充腸是草根

老人何事欲沾巾不怨官家賦役頻
手指門前

桑棗地已荒三十四回春

平定李侍御應時予之同年友也曾視予
病感之寄此

前年視我山中病落日獨騎驄馬來記得任家
亭子上連翹花發共嚼杯

過環綠窩

以下四首懷孫刺史

詩魂何處草萋萋環綠窩中路已迷黃鳥不知
春寂寞夕陽猶遶樹頭啼

春日對酒

春來有酒即成醺記得曾書白練裙今日花開
君不見一杯誰去瀉孤墳

過王成店

野店春殘不見花高林落日亂鳴鴉同遊詞客
已黃土淚盡當時賣酒家

讀騷山集

楞嚴寺裡論文夜馬谷山前看獵時壯志已隨
流水去遺編讀罷不勝思

乙未除夕

自嗟七十九年身滾滾流光又及春莫怪更深不肯睡天明便是八旬人

回頭細數七旬身白髮燈前更候春縱使明朝增一歲依然三世太平人

言者謂余類婺源陽城二公皆高才非余所能並戲作一絕句

縱呼牛馬也須應况擬當朝二顯人自幸踈慵猶可數益憑濁酒送殘春

得昌平楊小竹書

雙魚遙寄自昌平別後誰堪春草生記得去年風雪夜王村寺裡送君行

憶舊有感

丁郊橋西憶舊遊綠楊高映酒家樓故人莫訝凋零盡一別江南四十秋

春日飲董氏昆仲園

城南十里盡桑麻春色誰如董奉家况是白頭兄弟在移樽偏向紫荆花

夜半有感

土木形骸老更慵十年耳目已如封忽然夜半
屋生白聽得城南古寺鐘

新安言懷寄內二首

青春過盡始東還滾滾紅塵馬首間明日到家
應共惜菱花相對說愁顏

一年長在別離中懽咲惟應夢裡同明日相逢
還是夢驅車仍向太行東時告不子

和周明府

自分明時老一丘况逢茂宰更何愁怪來酒醉

西園夜猶向燈前夢九州

臘月問村家求杏栽

為農為圃縣城東絕勝儒家一畝宮自咲老來
仍好事隔年先問濟南紅杏樹名

題舊滄州主人壁

自從獻策至懸車此地經過四紀餘白首還家
成底事空慚人逐老尚書

題同官孟文祠效胡曾體

烈女山頭還有廟秦人塞上已無城經過莫聽

漆河水猶似當年號哭聲

鄉試場屋中作諸生時

明遠樓頭星斗稀三聲畫角鴈南飛此時父母
應相說共喜兒郎入棘闈

謁武安君廟

嶺過飛狐春不到峯當回鴈雪仍殘獨憐千古
防胡處廟貌森然祀武安

讀長慶集見樂天與盧貞詠楊柳詩作此
名賢麗句詠垂楊為愛柔條拂地長春去柳枯

人亦老爭如松柏晚蒼蒼

戊戌三月東從弟伯鞏

此日桃花恰正開携壺去賞且徘徊春風應解
阿兄意愁聽哭聲滿路來時兵荒民苦甚

留東溪老友

海上兵戈正亂離十家今有九家饑老年朋友
如兄弟好在城中住幾時

題老君堂在宣府東路

白雲深鎖老君堂萬栢千松歲月長若有前朝

宮觀事願來此地一焚香

傷杏花

方喜杏花爛熳開豈禁風雪兩相催何如松柏
嶺頭樹依舊蒼蒼映綠苔

夢山存家詩稿卷之八
排賦

過十八盤山

并州愁作客况復渡桑乾去國幾千里登山十
八盤兵戈今未息道路古來難落落悲雙鬢迢
迢媿一官鄉書過塞少節序向花殘海上園廬
在歸歟賦考槃

賀馮長史新居

十載遊梁苑秋來始定居官貧無錦綺屋滿盡

圖書漸喜竹梧長
新看烏鼠除藥欄
風掃後花徑
雨晴初問字
人頻往卜隣
意已如依君
欲買宅
歲晚共樵漁

醉日移竹八韻

曾讀田家譜
竹宜醉日栽
新從濟南乞
正及此時來
雨好忽連夜
風輕不動埃
清音應入戶
疎影欲浮苔
逸士携琴至
幽懷對爾開
覓竿防稚子
留葉固新醅
詩向溪邊得
人疑淇上回
成林如可望
其老白雲隈

贈呂山人六韻

振藻江湖裏
聲名到處聞
惟知崇隱節
不肯慕奇勳
面帶烟霞色
身將鸞鶴羣
風流郭有道
詩韻沈休文
投轄嗟何晚
論文意已勤
相期携手去
岳頂坐看雲

邊城春日懷歸

烽火連高塞
旌旗映晚霞
登城看漢壘
幾處聽胡笳
瀚海頻傳檄
嫖姚始建牙
殘春榆柳動
入夜鼓鼙過
白首三年客
青山萬里家
邊塵何日

定歸種故園瓜

吊土木

胡馬南侵日

鑾輿北狩辰當年誰護蹕 萬

乘獨蒙塵

社稷憂危極乾坤戰鬪頻運衰憑

貴倖事往憶忠臣故壘青山繞平蕪白骨新天

陰啼鬼處猶自感行人

倖指振忠指肅愍

聞陸太宰南還六韻

還家三載久回首五雲深自咲波仍起如何陸
亦沉毀譽不在我寵辱豈驚心遠水迴孤棹空

齋橫素琴安危責有係衰病任相侵好向山中
臥寧為澤畔吟

奉命祀霍山六韻

祀事存虞典山名載禮經汾河真若帶嵩嶽即
維屏候氣雲長紫凌寒樹亦青根蟠乾艮地戶
墮井參星縹緲聞天樂陰森肅夜靈吾皇勤
秩望晉土借安寧

題明宗真儒卷六韻

朔系唐堯後分茅太岳東貴無叔世態雅有哲

王風翰墨龍文繞笙竽鳳曲同談詩宗漢魏講
道入鴻濛地近蓬萊閣客迎碣石宮願言翊
聖主 天祿共無窮

吊白骨賦

踰常山而北下眺雲中之層城何寒風之颯沓
聽野鳥之悲鳴慘黃雲之黯淡盡白骨之縱橫
為蕞蔓之所纏為砂礫之所撐經霜露以幾歲
無坏土之可塋吁嗟乎爾為何方之人迺斃於
遐裔或築城而不還或逆旅而嬰疾或虜騎鳥

合旌旗蔽日主客勢懸心喪勇氣敵金鼓不鳴
錦盡失挺身而闖死於鋒鏑此皆并州之健兒
上谷之豪卒委骸散於沙場無功名於石室若
夫陰雨零零塞草淒淒飛鳥鳴哀馬嘶嘶又
若腥風振北鼎宿臨西旅狂競鳴懸懸亂啼
若鳴咽烽火淒迷若門已閉山高月低骨露
而無主魂漂渺以何袖將軍已佩夫誰能
猶夢於香閨徒聞野鬼向風而泣血行人
以興悽粵柳州之掩骸暨新建之瘞旅
誦遺聲

以若割淚滂漑而如雨使見紛然於山谷又不
知其焉處慨干戈以日興懷大道而莫觀吁嗟
乎西伯之掩骨不若堯階之舞羽

澤沱源賦

俯源泉之一畝兮極沫流以千里載滄滄以若
象兮終浩浩而如駮環晉趙以濟泝兮歷晝夜
而不止由秦戲以浙靈兮映臺山之嵯峨經聖
阜之首似兮會沙濊之兩河遵蕪萎而東下兮
興滄瀛而同波聿滄滄之逐執兮胡為起於細

縷曰發之有本兮為前哲之所與故無遠之弗
致兮涵萬象以吞吐蛟龍蟠于其內兮興塞上
之雲雨嗟滌泗於孤山兮向秋露與春蕪胡不
北流桑乾兮限虜騎之長驅又不南入淮泗兮
轉香稻于東吳徒汨汨於朔野兮為行人之所
吁

附錄呂山人叙并詩

夢山詩選叙

山人以聲詩遍交海內名公癸亥歲謁夢山楊公於上谷論詩自漢魏晉唐至宋元公不應而所作實不詭於唐人殆不煩繩削而自合者歟公見山人之作曰何多也唐杜審言崔顥皆號名家傳於世者無幾詩在神不在形在當不在多吾終與子商確此道為五七言古近體務出神解合於古模得百篇可傳矣去年山人訪公

海上以踐前言而公病不能構思有日月逝矣
之嘆山人乃於門人李子處得晉陽諸稿更加
選次李子云公有作徃徃棄去故所收止此山
人在上谷一言及公三軍無不加額入公里門
又聞人嘖嘖稱賢焉天將默相之為國家翊無
疆之業而况區區文藝耶書此於楚之瑤華館
以俟他日

手錄夢山詩有感二首

夫子出東方為言自漢唐長空走明月流水聽
滄浪紙貴惟書葉官貧不食羊腹中何所有三
萬斛玄霜

辭官甘謝病堂上有尊親結社滄洲處為漁白
鳥隣山林生逸氣婚嫁見清貧鑿鑿眼前事惟
公不愧人

夢山楊巍著

久山弟岑校

姪爾貢

男爾士

爾陶輯

書存家詩稿後

余自幼習舉子業不知為詩至
嘉靖乙卯外補晉臬時督學使
者為曹君紀山始提挈余為詩
謂以唐人為宗且辨其體格余
不甚解及余歸田有四明呂山

人者往來海上相與倡和共明
此道聽其所談亦不甚解平生
得詩總之不下千篇門人李生
善楷書因命收掌及余宦京師
李生病故此物亦隨化去子姪
輩復隨處抄錄無論歲月朝

野得詩六百餘篇亦多矣乃就
正於臨邑邢侍御知吾為更數
處加之評品今年舍弟岑以公
事寓維揚將此稿再就正於雲
夢鄒君大澤鄒君舊銓部郎與
余有共事之雅改擯逾多又序

之家言稱
之乃加災於木夫唐之詩人抉
胃嘔心終身爲方傳於世余踈
散人也况習禪寂不好苦思此
物徒資後人談笑耳顧倡之者
曹君紀山也其稅者呂山人角
東也改攏且序之者邢君知至
鄒君大澤也筆跡猶新未敢遽
棄乃書諸後存於家以示吾子
孫焉客見之問曰公登仕籍五
十年刻中不及勲名何也余笑
而不答又問曰陳思王謂後世
誰知攏吾文者公顧歸美於紀

山諸君何也余亦笑而不答

萬曆壬寅仲冬夢山翁書于藜

莧居中時年八十有六

紀山名忤
山人名時臣

知吾名侗
大澤名觀光



國家圖書館, NATIONAL CENTRAL LIBRARY, TAIWAN, R.O.C.